

जाँयस
मेयर

यीशू

नाम – सब नमवन
से बढिहा

ओकरे अभिषेक कै तोहरे जिन्दगी
मैइहन प्रदर्शन

यीशू नाम - सब नमवन से बढिहा

ओकरे अभिषेक कै तोहरे जिन्दगी
मैइहन प्रदर्शन

यीशू नाम - सब नमवन से बढिहा

ओकरे अभिषेक कै तोहरे जिन्दगी
मैइहन प्रदर्शन



जॉयस मेयर



JOYCE MEYER
MINISTRIES

Nanakramguda, Hyderabad - 500 008

Unless otherwise indicated, all Scripture quotations are taken from The Amplified Bible (AMP). The Amplified Bible, Old Testament copyright © 1965, 1987 by The Zondervan Corporation. The Amplified New Testament, copyright © 1965, 1958, 1987 by The Lockman Foundation. Used by permission.

Scriptures marked KJV are taken from the *King James Version* of the Bible.

Copyright © 2011 by Joyce Meyer Ministries - Asia

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries - Asia.

Joyce Meyer Ministries - Asia
Nanakramguda,
Hyderabad - 500 008

Phone: +91-40-2300 6777
Website: www.jmmindia.org

यीशू नाम – सब नमवन से बढिहा
Jesus Name Above All Names - *Awadhi*

First Print 2011

Printed at:

Caxton Offset Pvt. Ltd.
Hyderabad - 500 004

विषय सूची

परिचय	7
1. ओकरे नाव मैइहन सामरथ है	11
2. नाव औ विश्वास	21
3. नाव कै प्रयोग करब	33
4. ओकरे नाव कैइहन बेकारै मा न लियौ	47
5. आदर और सम्मान	57
6. नाव औ सम्बन्ध	65
निचोड़	73
प्रभू यीशू केरे साथे ब्यक्तिगत रिश्ता पावै खातिर प्रार्थना	75
लिखै वाली कै परिचय	77

परिचय

मनई केयरे नाव मैइहन काऊ धरा है? ओकरे नाव मैइहन अतरा सामरथ होत है कि बहुतै जने येका समझि नाई पावत हैं।

एक नाव एक मनई कै प्रतिनिधि होत है। ऊऽ ओकरे चरित्तर कैइहन जिन्दगी देत है। ऊऽ ओहकै समीकरन करत है औ दोसरेन से अल्लिगियावत है।

जब हम केऊ कैइहन ओकरे नाव से बलाइत है, तब हम सिरफ एककै नाव नाई गोहराइत है, हम वैहि मनई केयरे बारे मैइहन कुछ घोषित करित है।

येही ताँई जब हम यीशू मसीह कै नाव बोलित है तौ हम खाली ओकर नमवै नाई बोलाइत है। हम ओकरे नाव कै घोषणौ करित है। जौवन मनई कै सामरथ न हुवै, मुल ऊई सगरिऊ सामरथ औ अधिकार परमेशुर कै हुवै। (कुलुस्सियों 2:9, 10)

जब हम एक नाव गोहराइत है, तब हम वैहि मनई कै बरनक करित है। यीशू केयर माने है कि मुक्ति दियै वाला, औ हम ओका वही मेयर कै बलाइत है जस ऊऽ हमरे खातिर करत है। ऊई हमका पापु से बचावत है, हमरे असफलतन से, हमरे गलितन से औ वैहि सब परिस्थितियन से जौवन ओकरे मरजी कै खिलाफ है। – (देखौ मत्ती 1:21)

बाइबिल हमका सिखावत है कि यीशू मसीह केयरे नाव के उप्पर आउर कौवनौ नाव नाई है। हमका सिखावति है कि जस कि हम यीशू

मसीह कै नाव गोहराइत है, वैइसनै हर प्रानी कै यीशू मसीह केयरे नाव मैइहन सामरथ औ अधिकार है, सरग मैइहन, और धरती पैइहन, औ धरती केयरे नीचेऊ। (फिलिप्पियों 2:9-10)

यीशू कै नौव्वा यीशू कैइहन प्रघट करत है तौ जब हम ओकरे नाव से मिनती करित है, तौ अस लागत है कि मानौ यीशू मसीहै मिनती मिनती करत हैं।

जब हम मिनती करत समौ यीशू कै नाव लेइत है, तब सामरथ वहिन समौ हमरे खातिर हाजिर होय जात है।

कौन मेयर कै सामरथ?

दोसरन कैइहन आशीष दियै कै सामरथ, ऊई सामरथ जौवन हमरे खातिर सहायता लावति है, सामरथ सब बढिहा योजनन खातिर, जौवन परमेशुर हमरेन खातिर राखिन हैं।

बहुतन बेर सभन औ जौवन हम करित है जब हम सेवा करतै रहित है, तब मन से यीशू कै नाव लीन्ह करित है। औ जब हम ऐइसनै करित है, तब हम ओकरे मौजूदगी कैइहन कमवन मैइहन महिसूस कै सकित है। हमका विश्वास है कि लोग चंगाई पावत है, औ आतिमा से भरि जात हैं। हमका यीशू केयरे नाव कै जौवन सामरथ कैइहन पकरत है ओहका परकाशन करै कै औरिऊ जरूरत है।

कुछ सलियन केयरे पहले हम एक किताब लिखेन रहै, वचन, नाव, औ खून। अबहीं कुछ समौ पहले जब हम यीशू केयरे नाव पैइहन पढ़ावै जात रहेन तौ ओहसे पहले हम यीशू केयरे नाव वाला भगिया पढ़ेन।



हमका विश्वास रहै कि परमेशुर हमका वैहि इलाकन खातिर उभारत रहैं। हम ई जानेन कि परमेशुर हमका यीशू कै नाव औ अधिकार केयरे बारे मैइहन नवा बतिया सिखैइहैं।

हम चहै परमेशुर केयरे नाव मैइहन जौवन सामरथ है ओकरे बारे मैइहन कतरौ काहे न जान लेई, तब्भौ ओकरे अलावा औउरिऊ बतिया है जौवन हम सीख सकित है। औ नै हमका वैहि बतियन कैइहन ताजा करैक है जेहका हम पहले सीख चुकेन रहै।

परमेशुर नाई चाहत है कि हम ओकरे बचन मैइहन जौवन नियौ कै नियम है ओहका भुलाय जाई। ऊऽ ईऽ जानत है कि अगर हमार विश्वास येहि भाग मैइहन उत्तेजित नाई भवा तौ हम चाहै जिन्दगी मैइहन कुछुऔ कै लेई तौ हम ओकर हल नाई निकारि सकित है।

अगर तू एक मसीही होय केयरे नाते तुहैं ऐइसन लागत है कि कुछ काम ठीक से नाई होत है, जैइसन कि होन् करत रहै, तौ ई येहि मारे होय सकत रहै कि तू वैहि नजर कैइहन खोय चुकेउ है जौवन नियौ केयरे नियम केयरे शब्दन मैइहन यीशू केयरे नाव कै सामरथ केयरे बारे मैइहन हैं।

तुहैं ऐइसन लागत होई कि येहि बाते से बढिकै औउरिऊ बहुतै बतिया है, जेकरे खातिर तू आपन समौ औधियान कैइहन अर्पित करत होइहौ, मुल तुहैं ऐइसन कब्भौ डेर न लागैक चाही कि परमेशुर केयरे नाव कै मनन करब महत्वपूरन नाई है।

अगर तुहार परमेशुर केयरे साथे एक ब्यक्तिगत सम्बन्ध नाई है तो तुहैं अबहीं एक बतिया जानब जरूरी है। ओकरे नाव मैइहन ऊई सामरथ है जौवन कि वैहि परिस्थितियन कैइहन बदलि सकत है जेहसे तू जूझत हौ।



तुहें खाली एक काम करैक है कि तू वैहि सामरथ कैइहन गरहन कै लियौ जौवन कि ऊऽ अपने नाव केयरे साथे दियत है।

ओकरे सामरथ से तू आवै वाली परेशानियन कैइहन झेल सकत हो। हम तूसे कुछ बतिया बाँटा चाहित है, जौवन हम नाव मैइहन जौवन सामरथ है केयरे बारे मैइहन सीखेन है, जौवन तोहरे सोच बिचार कैइहन नवा कै देई।

येहि किताबन मैइहन तू इ सीखौ कि तू कैइसन अपने विश्वास कैइहन परमेशुर केयरे नाव मैइहन जौवन सामरथ है ओका उत्तेजित करौ ताकि तू ओहका एक प्रभाव पूरन अधिकार से मिनती मैइहन काम लाय सकौ।

एक सेवकाइन होय केयरे नाते हम जानित है कि हमका येहि क्षेवन मैइहन अपने विश्वास कैइहन मजबूत राखैक है, काहे से कि अगर हमार विश्वास मजबूत नाई है तौ हम सेवा नाई कै सकित है। हमका हर दम वैहि अद्भुत सामरथ से सतर्क रहैक चाही जौवन हमरे बोलतै खन प्रवाहित होत है।

हम मिनती करित है कि जब तक तू येहि किताब कैइहन पूरा कैलेत हो, तब तक तुहें परमेशुर मैइहन जौवन विश्वास है औ ओकरे नाव मैइहन जौवन विश्वास है उत्तेजित हुआ औ तू एक अलग तरीकन से मिनती करैक शुरू कै सकौ कि जब तू वैहि अद्भुत नाव कैइहन बोलौ, तौ ऊई अगर जाइकै ऊऽ कैय सकै जौवन हुवैक है। तू अपने औ दोसरन केयरे जिन्दगी मैइहन बदलाव कै अनुभव करैक शुरू करिहौ जेकरे खातिर तू जिन्दगी भर इन्तजार किहौ है।

जैइसनै तू येहि वचन कैइहन जौवन परमेशुर से है, यीशू केयरे नाव मैइहन सामरथ, जौवन कि सब नामन से ऊँच है गरहन करौ वैइसनै तुहें आशीष मिली।



1

ओकरे नाव मैइहन सामरथ है



औ (ओहकै सामरथ हमरे ओरिया से जौवन विश्वास करत हैं,) कतरा महान है, ओकरे ताकत केयरे प्रभाव के वैहि कार्य केयरे ताँई

इफिसियों 1:19

कल्पना करौ कि काऽ होई कि तोहरे लगे अतरा सामरथ होय जौवन तुहें अपनेन परिस्थितियन मैइहन हराय न पावै—सामरथ जौवन महान है कि ओकर ताकत ओकर तेज नापौ नाई जाय सकत। येहि भागि मैइहन। येहि भागि मैइहन प्रेरित पौलुस हमका ई बताइन है कि यहै ऊऽ सामरथ हुवै जौवन पूरै रूप से यीशू केयरे काँई प्राप्त भय है।

बहुतै मनई अपने जिन्दगी मैइहन वैहि सामरथ के अनुभव करैक चाहत हैं। मुलवै ईऽ नाई जानत है कि वैहि सामरत कैइहन प्रवाहित करै खातिर एक खास जरूरी कुन्जी है।

विश्वास से वैहि नाव कैइहन बोलौ। बाइबिल हमका बतावत है कि यीशू के नाव सब नामन मैइहन सबसे महान है। ईऽ नाव आकाश औ धरती



पैइहन सबसे ऊँच औ सबसे सामरथी है। औ ओकर नाव हमका दीन्ह गवा है, ताकि हम सिरफ ओह पर विश्वास करी।

हम काऊ विश्वास करित है?

मुल येहि मारे लिखा गवा है, कि तू विश्वास करौ कि यीशुवै परमेशुर कै पूत मसीह हुवै। औ विश्वास कैइके ओकरे नाव मैइहन जिन्दगी पाऊ।
यूहन्ना 20:31

जब हम यीशू पैइहन विश्वास करित है तब हम ओकरे साथे ब्यक्तिगत सम्बन्ध स्थापित करित है, और तब प्रभू यीशू कै सामरथ हमार सहायक बन जात है।

परमेशुर केयरे नाव पैइहन विश्वास लावै से हम ऊई सब बस्तुवन कैइहन प्राप्त कै सकित है जौवन ऊई हमरे खातिर तैय्यार कराईस है। लगातारै प्रेम, शान्ति, आनन्द, चंगाई, सफलता, सुरक्षा, सामरथ, ओहसे कहूँ जादा तुहार कौवनौ स्थिति पैइहन नियन्वण करै से बढि कै हमार स्थितियै औ हमरे ताकत कैइहन हमरे परिस्थितियन केयरे खिलाफ बनाय दियत है।

येकरे विपरीति मा थोरै देर सोंचौ। जब हम परमेशुर कै पूत बनि जाइत है, तब हर एक बस्तु जौवन ओकरे नाव मैइहन है, हमार होय जात है।

बेसहारा औ विन सामरथ

सामरथ के बिना हमार लोगवै निर्बुद्ध केयरे नाई नाश होन जात हैं।

होशे 4:6



लाखन लोग मसीहन कैइहन मिलाय कै ओहके नाव मैइहन पावै जाय वाली अद्भुत सामरथ केर उनका तनिकौ ज्ञान नाई है।

हम जानित है औ ऊऽ साँचुई है कि हमहू ओहमा से एक रहेन।

हम कैइयौ सलियन से इसाई रहेन जौवन हर हफ्ता चर्च जाति होय, और कब्भौ-कब्भौ कैइयौ दाँई हफ्तन मैइहन चर्च कै अगुवाईऊ किहेन, औ परचारकन केरे समूहौ मैइहन काम किहेन। हमार मरदौ चर्च कै अगुवा रहैं। मुल हमका कौवनौ मेर कै मारग दर्शन नाई रहै कि प्रभू यीशू केरे नाव मैइहन कतराऽ सामरथ है।

आज बहुतन से और बहुत जादौ नाई जे मसीह हैं, सामरथ रहित हैं। हम बिन सामरथ केर रहेन, काहे से कि कौवनौ हमार मारग दर्शन नाई रहै।

ओह! हम यीशू कै नाव लेइत औ ईऽ एक तरीका रहै जौवन हम हर दुअन केरे आखीर मा लगाइत जैसन कि हमका सिखावा गवा रहै! मुल हमका ईऽ अन्दाजा नाई होत कि हम काऊ करित है और येहिमारे हम सारमथ हीन जिन्दगी बितावा करत रहेन औ हम बिन सामरथ रहेन कि अपने जिन्दगी मैइहन सच्चै मा कौवनौ बदलाव लाय सकी औ नै अपने परिवार केरे जिन्दगियौ मैइहन औ ने फिर दोसरन केरे जिन्दगी मैइहन।

काऽ तू जानत हौ कि तू मसीही जिन्दगी बितावत हौ औ एक ऐइसन जिन्दगी जौवन बेगैर सामरथ कै जियत हैं।

दुःख केयरे साथे कहैक परत है कि बहुतै मसीही एक सामरथ हीन जिन्दगी बितावत हैं मुल प्रभू केर येहि मेयर कै इच्छा नाई है। चर्चो मा पहले येहि ताँई नाई रहै।



पहिलावा कै गिरजा घरन मैइहन सामरथ कै पावा जाडब

औ प्रेरित बडैय सामरथ से प्रभू यीशू केरे जिऊ उठै कै
गवाही दियत रहैं, औ उन सब पैइहन बडैय अनुग्रह रहैं।
प्रेरितन कै काम 4:33

काहेक पहिलवा कै गिरजाघरन मैइहन अतरा सामर्थी काम हुआ करत
रहै?

काहेक हम प्रेरितन कै काम कै किताब मा पढित है कि लोगन कैइहन
चंगाई मिली शैतान कै तौ दुष्ट ताकतवै निकारी गय औ बहुतन केयरे जिन्दगी
मैइहन एक बदलाव कै घटनन भय?

काहेक बडेबडे लोगवै ताजुब काम कै सकत रहै चिन्ह औ चमत्कारौ
करत रहै?

काहे से कि पहिलवा कि सामरथ यीशुवै केरे नाव मा है। औ वै वैहि नाव
कैइहन नियमानुसार योग्यता से जौवन मेयर प्रभु चाहत रहैं सुईकार करत रहै।

जब प्रेरित पतरस वैहि सामर्थी नाव कैइहन मिनतिन मैइहन वैहि मनइवन
केरे खातिर करत रहै जे जन्मौतै लंगड रहैं तौ ऊई मनई नीक होय जात
रहै। - (प्रेरित कै काम 3:1-8 पद)

फिलिप्पुस जे वैहि बड़ी भीर कैइहन प्रभू केरे रजिया केरे बारे मा औ
वैहि नाव केयरे बारे मा प्रचार करत रहै। - (प्रेरित के काम 8:12)

पौलुस वैहि मिहारु मैइसे बदरुह कैइहन यीशू केयरे नाव मैइहन हुकुम
दैइकै निकरि जाय कैइहन कहिन। वैहि मिहारु केयरे भित्तर से एक अगाह
बतावै वाली आतिमा काम करत रहै।



[आगे घटै वाली बतियन कै बताऊब...] वहिन छिन ऊई आतिमा ओहमा से निकरि आय औ ऊई मिहारु आजाद होय गया। (देखौ प्रेरित. 16:16-18 पद)

ईऽ साँचुई है कि पहिलवा कै चेलवै जानत रहैं कि वैहि यीशू केरे सामरथी नाव कैइहन औ कौवन मेयर ओहकै प्रयोग करैं। ओकरे आशीषन कैइहन प्राप्त करै औ दोसरेऊ का आशीषित करैं।

सामरथी नाव मैइहन बचौ

येहि भाग मैइहन हम देखित है कि वैहि कठिन परिस्थितियन मैइहन सामरथ है, बड़े चिन्हन खातिर ताजुब कै काम जैइसन कि बेरामी मैइहन चंगाई औ दुष्टात्मान कैइहन निकारै खातिर।

प्रेरितन के काम 4:30

बाइबिल हमका बतावति है कि औउरिऊ केऊ दोसरन काँई उद्धार नाई है, काहे से कि सरग केरे नीचे मनइवन मा औउरौ कौवनौ दोसर नाव नाई दीन्ह गवा है, जेकरे काँई हम उद्धार पाय सकी। (प्रेरितन के काम 2:21)

प्रभु केर वचनिया हमका प्रेरित करत है कि ओहमा सामरथ है केऊ का बचावै कै जे ओकरे नाव कैइहन गोहरावत है। – (प्रेरितन के काम 4:12)

उद्धार खाली यीशू केरे नाव पैइहन विश्वास लावै से औ अपने मारग कैइहन विश्वास से ओकरी ओरिया फेरै से है। (अगर तू ऐइसन कब्धौ नाई किहौ है, औ तू इच्छुक हौ येहि किताबन केरे आखिर मा एक मिनती है, तू ओका करौ।)



हम कुलुस्सियन 2:9 मा पढित है – काहेसे कि ओहमा ईश्वरत्व कै सगरिऊ परिपूर्णता संदेह वास करत है, औ दसवाँ पद मा हमका बतावा गवा है?

औ तू वही मैइहन भरिपूर होय गयौ है जौवन सगरिऊ प्रधानता औ अधिकार कै शिरोमणि है। ओका थम्ह लियौ काहे से कि हर एक कैइहन सामरथ यीशू केरे नाव मा मिलत है औ ऊऽ नाव गिरजाघरन कैइहन दैय दीन्ह गवा है।

ओकर तेजसवी नाव सामरथ से भरा है। ओकरे नाव कैइहन प्रवाहित करै खातिर हमका विश्वास कै जरूरत है। अगर हम हर दिन बहुत कहट कै जिन्दगी बिताइत है तौ ओकरे नाव पैइहन हमरे विश्वास मैइहन कभी होय कै कारन है।

हम चारिऊ ओरिया जाय कै कहि सकित है कि यीशू केरे नाव मैइहन, सामरथ है हम यीशू केरे नाव मैइहन मिनती कै सकित है औ यीशू केरे नाव मैइहन बदरूहन कैइहन निकारि सकित है।

मुला अगर हम विश्वास कैइहन अपने प्रार्थनन मैइहन प्रवाहित नाई करित है औ ओके नाव मैइहन नाई बोलित है औ अगर हमार विश्वास उत्तेजित होय तौ वहौ काम होय सकत है जौवन अनहोऊब है।

आतिमिक औजारन कै नाव

काहे से कि हमरे लड़ाई कै हथियार देही कै नाई है, मुल गढ़न कैइहन ढाय दियै खातिर परमेसुर केरे काँई सामरथी है।

2 कुरिन्थियन 10:4



हम विश्वास करित है कि परभुऔ हमका उत्तेजित करैक चाहत हैं वैहि सब सामर्थी मिहरूवै औ मरदनौ कैइहन काहे से कि हम एक ऐइसन युद्ध से घिरा हन जौवन कि आतिमिक लड़ाई है।...कहि से कि हमार ई मल्ल युद्ध, खून औ मांस से नाई है, मुल प्रधानन से है, औ अधिकारियन से औ येहि संसार केरे अन्धकार कै हाकिमन से औ वैहि दुष्टता केरे आतिमिक सेनन से है जौवन बदरे मैइहन हैं। – (इफिसियन 6:12 पद)

ईऽ लड़ईवा देहवा, दुनियावी औ सुभाविक रूप से नाई लड़ा जाय सकत। शैतान औ शैतान कै पल्टन हमार दुस्मन हुवै औ हम ओहसे खाली तब्भै लड़ि सकित है जब हम आतिमिक रजिया मैइहन आतिमिक हथियारन केरे साथे होऊब।

जौवन मेरे दूसर कुरिन्थियन 10:4 मैइहन बतावा गवा है। हम कल्पनन कैइहन, औ हर एक ऊँच बतियन कैइहन जौवन परमेसुर केरे पहिचानु केरे विरोध मैइहन उठत है, खण्डन करत हैं, औ हर एक भावना कैइहन कैइद कैइके मसीह कै आज्ञाकारी बनाय दियत हैं। (वस्तुवन जौवन हमका घेरन मैइहन जकरे रहति है...)

एक सबसे सामर्थी आतिमिक हथियार जौवन हमका मिला है ऊई “यीशू कै नाव” देखौ (लूका 10:17 पद) ईऽ एक आतिमिक युद्ध सत्तर हुवै)

तोहरे विश्वास केरे काँई तोहरे खातिर होय।

जैइसनै यीशू हुँआ से आगे बढ़े तौ दुई आँधर ओकरे पोछ ईऽ गोहरौते चले कि “हे दाऊद के संतानु, हमरे पैइहन दया करौ।”



जब ऊई घरे पहुँचि गये तौ वै आँधर ओकरे लगे आये, औ यीशू उनसे कहिन, कि काऽ तूँहें विश्वास है कि हम ईऽ कैइ सकित है? वैई ओहसे कहिन कि हाँ, प्रभु।

तब ऊई उनकर आँखिया छूई कै कहिस, कि तोहरे विश्वास केरे काँई तोहरे खातिर होय। औ उनकै आँखिया खुलि गय, औ यीशू उनका चिताय कै कहिन, कि सजक रहौ, कोई येहि बाते कैइहन न जानै।

मत्ती 9:27-30 पद

यीशू केरे नाव मैइहन सामरथ केरे बोर मैइहन हमका मालूम है। हम करीब बीसन सलियन से जादा वैहि नाव मैइहन मिनती औ प्रचारु करते चले आयेन। मुल कुछ समौ पहिले प्रभू हमसे भंटाय खातिर आये औ हमरे विश्वास कैइहन उत्तेजित किहिन।

येहि नाव केरे बारे पैइहन ताजा जानुकारी दिहिन कि सब बिश्वासी पूरे सामरथ कैइहन औ अँधेरे कैइहन प्रापत कै सकत है, औ जब हम कहित है कि प्रभू हमसे भंटाय आये येकर मतलब ई नाई है कि हम साक्षात रूप से उनका देखेन, मुल हमार मतलब है कि ऊई हमरे हिरदौँ कैइहन अपने नाव खातिर (यीशू केरे नाव) खातिर इस्तेमाल करत हैं।

कुछ समौ खातिर हम वैहि नाव केयरे बारे मैइहन धार्मिक कितबियन पैइहन चिन्तन करत रहेन। हम खास तौर पैइहन ऐइसन करित है कि यहसे पहिले हम बाहेर जाई, औ दोसरन कैइहन बचन काँई प्रेरित करी। ईऽ सदी मै हमरे विश्वास कैइहन उत्तेजित करत है कि जासे जब हम लोगवन केरे समुने ढाढ़ होई, तौ हम उनका खातिर मिनती कै सकी पूरे हिरदौँ से विश्वास करत हुए कि जासे सामरथ (प्रभू यीशू कै सामरथ) पूरे सभा



स्थल पैइहन मुक्त होय सकै, लोगन केर जिन्दगियन केरे बन्धन कैइहन तूरै खातिर।

हम मंच पैइहन नतौ ठाढ़ि होय सकित है औ ना ही लोगवन खातिर वायदा कै सकित है औ ना ही लोगवन खातिर वायदा कै सकित है जब तक हमरे हिरदौं मा विश्वास नाई होत है कि सच्चै मा प्रभू यीशू केरे सामरथी नाव केयरे काँई आज कुछ बड़ा काम हुवै वाला है।

जब तक हमरे लगे विश्वास है यीशू केरे नाव मैइहन हम कौवनौ परिस्थितियन केरे उप्पर से गुजर सकित है जौवन हमरे विश्वास कैइहन चुनौती दियत है, औ ओके साथे जौवन हमका वेहि नाव केरे काँई प्राप्त है।

विश्वास सामरथ केरे साथे

येहि मारे विश्वास सुनै से और सुनब मसीह केरे बचन से होत है।

रोमियो 10:17 पद

यीशू ओकरे ओरिया इशारा किहिन है कि ई एक ऐइसन सामरथ है जौवन हमरे भित्तर है जौवन हमसे मिन्ती औ नै हमरे मुँह से शब्दन काँई निकरत है। – देखौ मत्ती 9:29 पद

रोमियों 10:17 मैइहन हमका बतावा गवा है कि विश्वास सुनैय, औ सुनब मसीह केरे बचनिया से होत है।

अगर तू चंगाई खातिर परमेशुर कै बचन सुनत हौ तौ तुहार विश्वास चंगाई पावै खातिर उत्तेजित होय जात है। अगर तू पैसा खातिर परमेशुर केरे बचन कैइहन सुनत हौ तौ पैसा खातिर तुहार विश्वास उत्तेजित होय जात



है। अगर तू प्रभू यीशु केरे नाव कै सामरथ खातिर परमेशुर कै बचन का सुनत हौ तौ तुहार विश्वास प्रभु यीशू केरे नाव खातिर उत्तेजित होय जात है।

जब तू ईऽ कितबिया पढत हौ तौ प्रभू यीशू मसीह केरे नाव कै सामरथ केरे वचनन कैइहन चिल्लाय कै बोलौ। जब तू येहि कितबिया कैइहन पढब खतम करिहौ तब तू हर मेयर से मन्ती करै लग जैइहौ। जौवन कुछुऔ तू मन्ती मा माँगिहौ ओहमा तुहँ औउरिऊ जादा विश्वास हुवै लागी। तोहरे भित्तर एक आत्म विश्वास बाढै लागी काहे से कि तू सामरथ मैइहन विश्वास करत है। औ बाइबिल बतावति है कि ओकरे नाव पैइहन विश्वास लावै से ऊऽ तुहार है। (सामरथ)

तू अन्तिम क्षण तक परमेशुर केर वेहि विधियन कैइहन अपने जिन्दगी पैइहन औ ओकर आशीषन जौवन ऊई तोहरे खातिर राखि छोड़िस है आनन्द उठाय सकत हौ औ निरभर रहि सकत हौ। तब तू अपने विश्वास कैइहरे उत्तेजित दृढता से सामरथ मैइहन होय कै यीशू केयेर वैहि प्रतापी नाव कैइहन लै सकत हौ? जौवन कि **सब नामन मैइहन सबसे ऊँच नाव है।**



2

नाव औ विश्वास



काहे से कि परमेशुर कै जतरा वायदा है, वैई सब ओही मा हाँ केरे साथे है, येहिमारे ओकरे काँई आमीनौ भवा, कि हमरे काँई परमेशुर केयर महिमा होय।

2 कुरिन्थियन 1:20 पद

बाइबिल मैइहन बहुतै वायदा है, जौवन हम पढ़ित है, मुल ओका अपने जिन्दगी से बीतत नाई देख पाईत है।

ऐइसन काहेक है? काऽ समिसियन हैं?

हम ईऽ महिसूस करी कि हर एक अधिकार हमरे विश्वास करै से पैदा होता है। ऐइसन येहि मारे नाई है कि बाइबिल मैइहन लीन्ह गवा है।

वै येहू मारे पैदा नाई होत हैं कि हम यीशू पैइहन विश्वास राखित है, मुल वै येहि मारे होत है, काहे से कि हम ओकरे साचुई प्रतिज्ञन पैइहन विश्वास राखित है, औ औ अपने विश्वास कैइहन वैहि बतियन पैइहन राखित है जौवन यीशू हमसे कहिन है।



जौवन मेयर हम इफिसियन 1:19 मैइहन जैसन कि पौलुस लिखिन हैं, औ ओके सामरथ जौवन हमरे ओरिया जे विश्वास करत हैं, कतिक महान है, ओके ताकत प्रभाव के वैहि काम करे ताँई।

हम विश्वास करित है कि ऊई खाली कहतै नाई है मुल हम चाहित है कि तुहें मालूम होय वैहि मापै वाली सामरथ कैइहन जौवन यीशू केरे नाव पैइहन विश्वास लावै से होत है। हाँ साँचुई मैइहन हम चाहित है कि तुहें वेहि मापै वाली सामरथ कै पता होय जौवन यीशू केयरे नाव पैइहन विश्वास लावत है— औ जे विश्वास करत हैं कि सामरथ हमार हुवै।

हम कब्भौ कब्भौ ईऽ सोचित है कि जे साधारन विश्वास हमरे उद्धार करै वाले यीशू पैइहन राखत हैं, औ जौवन वायदन बाइबिल मैइहन हमका दीन्ह गय, ऊऽ एक विषय रूपी अनुसरण करत भय हमरे जिन्दगी से गुजर जाय।

येहि ताँई विश्वास काम नाई करत है। हमका खास तौर से प्रतिज्ञन कैइहन विश्वास केरे काँई अपनाऊब होई,

प्रभु केरे वचन से उदाहरन दियै दियौ।

**चिन्ह उनहिन कैइहन परघट होत है जे प्रभू
यीशू पैइहन विश्वास राखत हैं।**

औ विश्वास कैर वालन मैइहन ई चिन्ह होइहैं कि वै हमरे नाव से दुष्टात्मन कैइहन निकरिहैं। नवा-नवा भाषा बोलिहै, सँपवन कैइहन उठाय लेहैं औ अगर वै जहरौ पीऽ जाँय तौ उनका कछु नुकसान न होई। वै बेराम्हियन पैइहन हाथ धरिहैं औ वै नीक होय जैइहैं।

मरकुस 16:17-18

येहि प्रतिज्ञन कैइहन यीशू अपने चेलवन कैइहन जब दिहिन रहै तब परभू यीशू ईऽ बिचार किहिन कि ऊई सामरथ औ अधिकार उनहू पैइहन होय औ ओहके तुरतै बादि निदान प्रभू यीशू उनसे वादा करै के बादि सरग पैइहन उठाय लीन्ह गये। औ परमेशुर केरे दाहिने ओरिया बैईठ गये। - मरकुस 16:19

हम ऐइसन नाई विश्वास करित है कि ईऽ सब उनहिन केयरे साथे भवा जे प्रभू यीशू पैइहन विश्वास करत है, मुल हम विश्वास करित है कि ई आलौकिक चिन्ह उनहिन कै अनुसरण करिहैं जे **यीशू पैहन विश्वास करत है औ ई विश्वास करिहै कि ईऽ चिन्ह उनके साथे साथ चलि है।**

मुला यीशू मसीह कै जौवन भवन हुवै ऊऽ वैहि विश्वासियन कै हुवै जे अविश्वासी हैं। हमका मालूम है काहे से कि जैइसन कि हम पहिले बतायेन है कि हमहू कैइयौ सलियन से एक मसीही रहेन। हम नवा जलम पायेन रहै। अगर हम मर जाइत तौ शाईद हम सरग जाईत। मुल हम एक सामरथ रहित जिन्दगी वितायेन।

हम प्रभू यीशू पैइहन विश्वास करित, मुल हम ओकरे सामरथी काम पैइहन विश्वास नाई करित। काहे से कि हमका केऊ वैहि सामरथ केयरे बारे मैइहन नाई पढाइसा हम कब्भौ केऊ कैइहन ओह पर परचार करत नाई सुनेन। हम समझत रहेन कि प्रभुवै जेकरे लगे ऊई सामरथ है। औ अगर ऊऽ हमका इस्तेमाल करै खातिर चुनत है तब्वै ऐइसन होत है औ अगर ऊऽ हमका इस्तेमाल करै खातिर न चुनत, तौ हम ऐइसन कुछुऔ न कै सकित।

प्रभू यीशू केयरे नाव मैइहन मिनती करै मैइहन सामरथ है, जबकि हम अपने दुअन मैइहन “यीशू केरे नाव मैइहन” कै इस्तेमाल करत रहेन दुअन केयरे जाखिर मा औ हमका नाई पता रहै कि हम काऊ करत रहेन।



जब हमका पवित्रात्मा केर बपतिस्मा मिला रहै तब हम एक विश्वासी केरे अधिकार कैइहन सीखैक शुरु किहेन। हम विश्वास करैक शुरु कीन्ह कि हमरे लगे सामरथ है। हम पवित्रात्मा कै बपतिस्मा पाइत है?

(औ वैहि अद्भुत सामरथ कैइहन पाइत है ओकरे मरजी काँई अपने जिन्दगी पैइहन औ येहि मेरे परभू से मिनती कैइकै हम बचि जाइत है।)

औ तब जब हम एक विश्वासी प्रभू यीशू मसीह मैइहन पवित्रात्मा कै बपतिस्मा पाइत है तब पवित्रात्मा ओका गरहन करै केर योग्य बनावति है। प्रभू केरे सामरथ कैइहन हीनता केरे साथे समझावैं औ अनुभव करौ।

औ जब हम ओह पर विश्वास करैक शुरु किहेन तब परमेशुर कै सामरथ हमरे खातिर ठहिरै लागि तब हम अपने मिनतिन कैइहन यीशू केरे नाव मैइहन येहि मारे करै लागेन, औ जब हम इस्तेमाल करै लागेन, हम वेहि सामरथी कामन कैइहन अपने जिन्दगी येइहन औ दोसरन केरे जिन्दगी पैइहन जौवन हमरे चारिऊ तरफ रहै, होत देखै लागि।

ई काफी नाई कि तू यीशू केरे नाव पैइहन विश्वास करौ हमका जरूरत है कि हम ओकरे सामरथी नाव पैइहन विश्वास लावैं। औ साँच ई है कि हमरे लगे ऊई सामरथ है।

का तू ई विश्वास करत हौ औ मानत हौ कि तू कमजोर हौ औ ने फिर तू सामरथी हौ?

अगर तोहरे लगे ऊई न मापै वाली सामरथ मौजूद है मुल हम ओकर सच्चै मा महिसूस नाई कै सकित, अगर हम वैहि परिस्थितियन कैइहन प्रतिवादित कैइकै कहत रहित है येहि चिजियन कैइहन, जैइसन कि “हम जादा येहका लैय सकित है – हम चोटाय गयेन है।” “हम येहि मेर जादा



दिन तक नाई चलि सकित ईऽ बहुत जादा है हमरे खातिर।” “हमका महिसूस होत है कि हम येहसे दूर होइत है। सब कुछ हमरे मूड़े पैइहन परत है ईऽ हमरे खातिर बहुत कठिन है। हम स्थिर नाई रहि सकित है। हम न ऐइसन हन् न वैइसन हन् हम नाई...”

समिसिया ई है कि हम विश्वास नाई करित कि सच्चै मा हमरे लगे ऊई सामरथ है। ई जरूरै है कि हम ओकरे बारे मैइहन बतिया करित है औ ओकरे बारे मैइहन गउतौ हन् मुल सच्चाई ई है कि हम यहसे कहूँ जादा ई विश्वास करित है औ महिसूस करित है कि बाइबिल काऊ कहति है।

कब्भौ कब्भौ हम अपने न सोच कैइहन परभू मानै लागित है।

औ येहि मेर समसियाई है कि ऊऽ चिन्ह हमार अनुसरण नाई करत, काहे से कि हम ई विश्वास नाई करित कि ऊई हमार पाछा कै सकत है।

खाली विश्वास करौ!

यीशु ओहसे कहिन कि, अगर तू कैई सकत हौ, ई (काऊ) बात है? विश्वास करै वाले खातिर सब कुछ होय सकत है।

मरकुस 9:23 पद

हर दाँई जब हम लोगवन केरे समूह मैइहन उनकर परचार करित है तब हम विश्वास करित है कि हम पवित्रात्मा केरे अगुवाई मैइहन चलित है और तबतौ हमरे काँई काम कैइकै लोगवन कैइहन प्रचार करित औ उनकै जरूरतियन कैइहन जानित। देखौ 2 कुरिन्थियन 12:4-11 पद

औ जब हम मंच पैइहन कदम धरित है तौ हमका आगे कै आराधना कै नाई पता होत है। औ हमका तनिकौ अन्दाज नाई होत कि आगे काऽ होय



जात है। हम खाली अतरा विश्वास करित है कि चिन्ह हमार अनुसरण करी, काहे से कि बाइबिल मैइहन ऐसन कहा गवा है। देखौ (मरकुस 16:17-18) औ हम विश्वास करित है कि प्रभू अपने आतिमा से हमार अगुवाई करत है।

येकर नतीजा (हम कौवनौ अपने जलाल औ नै घमण्ड खातिर नाई कहित है) कि हमरे हिंयाँ जौवन आराधना सभन होत है ऊऽ जादा बुरा नाई होत है। ऐइसन तुरत नाई होत हम आराधना केरे बादि घरे जाइत अपने मूडन कैइहन हलौवतै औ ई कहतै कि परमेशुर हमका भरि दिहिन हैं ऊऽ अतरा भला है।

परमेशुर कै सामरथ आराधना मैइहन बहुतायत केरे साथे महिसूस कीन्ह जाय सकत है। औ परमेशुर कै अभिषेक हर आराधना मैइहन बनत गवा है। ऐइसनौ समौ आवा जबकि हम देखेन कि आराधना मैइहन हिंया तक कि तेरह सौ लोग पबित्रात्मा कै बपतिस्मा पावा लोगवै सदीमै चंगाई पावत रहैं,

लोगवै शारीरिक रीति से औ ई सब तब्भै होत रहै जब हम विश्वास करित है। औ हम आपन विश्वास प्रभू यीशू मसीह केरे नाव मैइहन औ ऊऽ केऽ हुवै ओहमा लगाइत है। ई सब यीशू मसीह केयरे वजह से भवा। ओकर अच्छाई ओकर दया औ ओकर सामरथ जौवन ओकरे अद्भुत नाव मैइहन है।

प्रभू यीशू मसीह कैइहन देखौ

औ वही केयरे नाव मैइहन, वैहि विश्वास केरे काँई जौवन ओकरे नाव पैइहन है, येहि मनई कैइहन जेहका तू देखत हौ औ जनतौ हौ सामरथै हुवै, औ जरुरै वहै विश्वास जौवन ओकरे काँई है, येका तू सबके सामुने बिलकुल्लै भला चंगा कै दिहौ है।

प्रेरित कै काम 3:16 पद



अगर हम ओके नाव के सामरथ के आनन्द लियैक चाहित है तौ हम अपने आप कैइहन वैहि बतियन खातिर न देखैक याही जौवन हम हैइयौ नाई हन। हमका यीशू मसीह कैइहन देखैक चाही, औ हर चीज जौवन ऊई है औ जौवन ऊई हमरे खातिर कै सकत है, हमरे मैइसे होइकै।

हम अपने परचार मैइहन आराधना समूह केरे सदस्यन कैइहन उत्तेजित करैक चाहब कि ऊई येहि बतियन यैइहन विश्वास करै कि जब ऊऽ स्तुति आराधना शुरु करै कै अगुवाई करै तौ शैतान कैइहन हुँआ से भागैक होई औ लोगवन कैइहन बचैक होई, चंगाई पावैक होई, औ पबित्रात्मा से भरि जायैक होई।

अपने सभन केरे भित्तर हम ऐइसन कुछ नाई करित जेसे समौ बेकार होय औ नै केऊ कैइहन परवाहित करी हम हुँआ खाली एक कारन से होईत है कि बँधुनन कैइहन छोराई, अगर हम ई विश्वास नाई करित कि हम लोगन कै मदद करी, येहि लोगवन कै मदद करित है। तौ हम घरहिन पैइहन रुकि जाइत अपने बच्चवन औ नतियन पोतवन केरे साथे। मुल हम पूरै दिल से ई विश्वास करित है कि जौवन हम करित है ऊऽ हजारन लोगन कै जरूरत कैइहन पूरा करत है। हमका विश्वास है कि जब हम प्रभू यीशू केयरे नाव मैइहन मिनती करित है तौ काम जरुरै होई औ ऐइसनै होत है हम येहि मारे येका नाई कहित है कि हम ई करित है।

हमका विश्वास है कि ई काम करित है औ जिन्दगी कैइहन परिवर्तित करित है!

अगर तुहार जिन्दगी अस्त ब्यस्त है अगर तू अपने परिस्थितियन केरे खिलाफ विजई नाई होत हौ तौ अपने विश्वास कै जाँच करौ। याद राखौ कि यीशू मसीह खुदै कहिन है।



जब ऊई उनकर अँखिया छुई कै कहिस कि तोहरे विशवास केरे काँई तोरे खातिर होय— मत्ती 9:29

मिनती करौ औ विशवास करौ,

येहि मारे हम तूसे कहित है, कि जौवन कुछ तू प्रार्थना कैइकै माँगौ तौ विशवास कै लियौ कि तुहँ मिल गवा, औ तोहरे खातिर होय जाई।

मरकुस 11:24 पद

तू अस कहत होइहौ, कि हम प्रभू यीशू केरे नाव मैइहन मिनती करित है, औ फिरऊ हमका कोई परिनाम नाई मिलत तू साईद दिन मा एक बेर प्रभू यीशू मसीह केरे नाव मैइहन मिनती करत होइहौ मुल ओका सुतन्त्र छोड़े बेगैर। औ दिन के बकिया भाग मैइहन ओकरे नाव का बेकारै मा इस्ते माल करत होइहौ औ ऐइसने होय सकत है कि तू प्रभू यीशू तेरे नाव मैइहन मिनती तौ करत है। मुल ओकरे नाव कैइहन अपने मिनती केयरे अन्त मा एक जादुई यन्त्र केरे रूप मा लैइकै।

अगर ऐइसन है तौ अबहिन से जब तू प्रभू यीशू केरे नाव मा बोलत हौ विशवास केरे साथे, औ ई विशवास करतै औ सामरथ तोहरे खातिर मौजूद है।

जब हम ऐइसन करित है हम ओकरे नाव केरे सामरथ कैइहन अनुभव करित है, हम ओका अपने भित्तर से निकरत महिसूस करित है।

बाइबिल ईऽ कहत है कि ओकरे नाव मैइहन सामरथ है, कोई परिहास नाई करत है।

जब हम प्रभू यीशू केरे नाव कैइहन टेलीबिजन येइहन बोलित है तौ हम ई विशवास करित है कि ओकै सामरथ हवा केरे तरंगन से होइकै सीधै लोगन



केयरे घरन मैइहन परवेश करति है। उनकै सगरिऊ जरुरतियन कैइहन पूरा करत है जौवन ओका सुनत औ गरहन कैइकै अपने मन मा औ विश्वास केरे काँई।

प्रभू यीशू केरे नाव मैइहन उद्धार है, ओकरे नाव मैइहन चंगाई है औ छुटकारौ है। शक्तियन कैइहन तूरै कै सामरथ है। ओके नाव मैइहन जौवन कुछुऔ है ऊऽ हमका मिलि जाय हमका खाली वफादारी केरे

नाव औ बचन केरे साथे ओह पर विश्वास करैक है।

अगर तू हमरे मा बना रहिहौ, औ हमार बतिया तोहरे मैइहन बनी रही तौ जौवन चहिहौ माँगिहौ, औ ऊऽ तोहरे खातिर होय जाई।

यूहन्ना 15:7

हम सोचित है कि कब्भौ कब्भौ हम मसीही लोग यीशू मसीह केरे वायदन कैइहन पाठ मैइसे निकार देत हैं, हम ई सोचि लेइत है कि हमका जौवन चाही ऊई हम माँगब औ परमेशुर कैइहन ओक हमका दियैक है, काहे से कि ओकरे नाव कैइहन हम अपने मिन्तिन के आखीर मा लेईत है।

वचन केर अनुवाद करै कै रीति येहि मेरे है कि दोसरे वचन केरे परकाश मैइहन ओकर अनुबाद कीन्ह जाय, हमका खाली यूहन्ना 15:7 केरे पाठ मैइसे उठाय कै खैईय कै ननि कोरेकर चाही, 1 यूहन्ना 5:14,15 कैइहन समझौ। जौवन ईऽ कहत है कि अगर हम ओकरे भर जी केरे काँई कुछ माँगित है ऊई हमरे निवेदन कैइहन पूरा करी।

हम येहि वाते कैइहन सोचा करित रहै कि जतरौ पाठ हम पढ़ेन रहै, ओहमा से ई जादा प्रभाव पूरन रहै। ई शबद (कि हमरे मा बना रहौ) कै



मतलब है कि ठहिर जाऊ, बसै रहौ, सदी मै खातिर शुरुआत करौ। स्थिरि रहौ औ बिल्कुल्लै न हालौ न डोलौ। जब से हम आखिर मैइहन प्रभू यीशू केरे साथे बना रहै कै शुरुआत करै लागेन हम ई सीखेन कि हमार मरजी ओकरे मर जी केरे साथे मिलि कै एक होय गय कि हमका जरुरै अस कुछु नाई चाहत रहै जौवन परमेशुर केरे मरजी के खिलाफ होय।

आज तक केरे दिन, अगर हमरे लगे कौवनौ अस पाठ है कि जौवन कुछुऔ हम परमेशुर से माँगै खातिर मिनती करी हम परमेशुर केयरे लगे जाइत है औ ओहसे कहित है कि ई तुहार बचन बचन हुवै औ हम चाहित है कि ई हमरे जिन्दगी मैइहन पूरा होय

मुल हम बहुतै चिजियन जेकरे खातिर मिनती करित है जेकरे खातिर हमरे लगे कौवनौ विशेष बचन नाई है ऐसन हालत मैइहन हमका मिनती करैक चाही कि परमेशुर हिंयै है जेहके खातिर हम विशावास करित है हमका येहि परिस्थितियन मैइहन चाही। अगर ई सही है तौ हमका यकीन है कि तू हमका जरुरै दे हौ मुल अगर ई सही नाई है तौ हमका ई न चाही काहे से कि हमका खाली तुहार मरजी चाही।

हमार मरजी नाई मुल तुहार मरजी

औ ऊऽ तू उनसे अलग एक ढेला फेंकै के टप्पा भरि गया,
औ घुटना टेकि कै मिनती करै लाग।

कि हे बाप अगर तू चाहौ तौ येहि कटोरा कैइहन हमरे लग
से हटाय लियौ, तेहुप हमार नाई मुल तोहरै इच्छा पूरा होय।

लूका 22:41,42

हमार सबसे छोटकवा पूत वैन्नईस साल कै रहै जब ओकर वियाह भवा



रहै। हमका पता रहै कि ऊ जवान है, मुल ओकरे खातिर हमहिन सब कुछ रहैं। जौवने विटिया से ओकर बियाह भवा रहै ऊ खाली अट्ठारह साल के रहै, मुला ऊऽ एक परचारक केयरे परिवार से आई रहै, औ परमेशुर केरे साथे ओकर रिश्ता गहिरा रहै। ऊई दूनौ अतिक प्यारा रहैं जतरा ऊई रहि सकत रहै।

अपने बियाह केरे उपहारन के एक हिंसा कुछ पैसा उनके लगे जौवन वैई जमा किहिन रहै उहै रहै जौवन उनका एक नन्हुवार घर के दाम कैइहन चुकावै खातिर बहुत रहै। अगर ऊई जादा दाम वाला नाई रहै।

हमार मरद हमरे पूत कैइहन कैइयौ नीक गुण सिखाइन रहै कि कौवन मेरे पैसा के उपयोग करी। वै केरावा केरे मकान मैइहन आपन पैसा बेकार नाई करैक चाहत रहै, अगर ऊई खुद के घर खरीद पावत।

येहि मारे हम लोग उनके साथे एक घर देखै गयेन, उनका एक पसन्दौ आवा जेकर वै दामवौ दै सकत रहैं, येहि मारे वै उनका खातिर बहुत उत्साहित भये,

दोसरे दिन हमार पूत हमका बताइस कि चैरीटी औ हम काल्ह बाहेर गयेन औ वैहि मकान केरे सामुने बैइठ के हम मिनती किहेन कि अगर परमेशुर तुहार इच्छा हुवै कि हमका ई घर मिल जाय तो हमका ई चाही।

अगर येकरे खातिर तुहार मरजी नाई है कि हमका ईऽ मिलै तौ हम जानित है कि हमरे खातिर खातिर तोहरे लगे यहसे बढ़िया कुछ है हमका वहै चाही जौवन तोहरे मरजी काँई होय।

औ ऐइसन भवा कि यहसे पहले ऊ हुँआ जाइके वैहि घर कैइहन मोल लेती, केऊ औउरौ ओका खरीद लीन्ह। हम बड़ै निराशा भयेन।



ऊई हमका बादि मैइहन बताईस। मुल हमका पूरे विश्वास है कि ऊऽ घरा येहि मारे बिकाय गवा काहे से कि परमेशुर खातिर हमरे लगे यहू से बढिहा कुछू है औ हमका ओकरे खातिर ठहिरैक होई।

येही मेर चाही कि कि हम मिनती करी जब तक हमका निश्चित न होय कि जौवन कुछू हम माँगित है ओहमा परमेशुर कै मरजी ओकरे बचन केरे आधार पैइहन है कि नाई।

हमरे पूत औ ओकरे दुलहिन खातिर ई बुद्धि मानी न होत अगर ऊऽ वैहि घर के सामुने बैईठ कै ई मिनती करिति कि यीशू मसीह केरे नाव मैइहन ई घर हमार हुवै औ अब हम कौवनौ आऊर घर नाई चाहित। हे बाप यहै ऊऽ घर होय जौवन हम चाहित है, औ हमार ई विश्वास है कि तू हमरे खातिर उपलब्ध कराय देहौ। काहे से कि यीशू मसीह कहिन है कि ओकरे नाव से हम जौवन कुछुऔ माँगित है हमका मिलि जाई।

जौवन कुछुऔ हम मिनती मा माँगित है हमका मिलि जाई, अगर हम ई जानी कि जौन कुछू हम माँगित है ओहमा परमेशुर कै मरजी है औ या फिर हमरै मरजी होय।

हमरे तरफ से परमेशुर कै मरजी मिनती औ ओकरे बचन केरे काँई जानि सकित है। तब जब हम अपने विश्वास कैइहन ओकरे बचनिया केरे आधार पैइहन अपने जिन्दगी पैइहन लागू करित है तब हम दृढता से माँगि सकित है जौवन हमरे खातिर सच्चैम सही है और यीशू मसीह केरे नाव कै परयोग नतीजन केरे साथे प्रयोग कै सकित है।



3

नाव कै प्रयोग करब



औ जे केऊ प्रभू कै नाव लेई (प्रभू यीशू केरे नाव कैइहन उत्तेजित करब, ऊपर उठाउब औ आराधना करब) उहै उद्धार पाई।

प्रेरित. 2:21 पद

हमार एक दोस्त जेहका हम बाइबिल कालेज मैइहन पढ़ायेन रहै, औ जौवन एक कलीसिया कै पुरोहित। यानी धरम गुरु मैइहन करै गवा रहै। संकट केरे समौ मैइहन नाव कैइहन गोहरावै कै एक प्रबल तरीका बतावत रहै।

एक दिन ओकर छोटका पूत जौवन तीन व चार सलिया कै रहै ओकरे साथे कार मैइहन रहै ऊ एक बहुतै भीड़ वाली क्षेत्रन से जात रहै औ वहिन समौ ऊई दहिने हाथवा केरे ओरिया घूमै कै तैय्यारी किहिस, ओका ई नाई मालूम रहै कि ओकरे पूत केरे ओरिया कै मुहरवा बन्द है कि नाई बन्द है जैइसनै ऊई दहिने ओरिया घूमा, ओकर समुल्लै वजन कार केरे ओही ओरिया होय गवा ई वैहि समौ कै बतिया हुवै जब सीट बैल्ट कै नियम नाई लागू रहै, औ ऊऽ बच्चवौ ओका नाई पहिरे रहै।



जब ऊऽ मनई ऐइसन तेज घुमाव लिहिस तब कार कै मुहारा फुरती से खुलि गवा औ ऊऽ छोटका लरिकवा मोटरवा मैइसे ढमढियापैक ठीकै बीचौबीच मैइहन गिरि गवा जहाँ पैइहन बहुतै तेज साधन आवत जात रहै।

जब बाप चारिऊ ओरिया से ट्रैफिक देखिस तौ ऊई बहुतै डेराय गवा जब ऊऽ ईऽ देखिस कि एक कार कै चारिऊ पहिया तेजी से घूमत आवत रहै औ ओकरे बच्चवा केरे ऊप्पर से गुजरै वाली रहै तौ खाली एककै काम कैय सकत रहै कि ऊई चिल्लाई कि यीशूऽऽ।

बाप आपन कार रोकिस औ कूदि कै अपने लड़का केरे लगे भाग जौवन बिल्कुल सही रहै तब ऊऽ वैहि मनई केरे तरफ घूमा जौवन करीब-करीब आपन कार चढ़ाय दिहिस रहै औ जोर से बेलिस धन्यबाद। धन्यबाद तुहै बहुत-बहुत धन्यबाद तोहरे गाड़ी कैइहन सही समौ पैइहन रोकै खातिर मुल ऊऽ मनई जौवन कार चलावत रहै औ करीब करीब ऊऽ आपन गाड़ी चढ़ाय दिहिस रहे, ऊऽ बहुत डेरान रहै, हमार दोस्त ओकरे लगे गवा औ ओका अश्वासन दैइकै चेष्टा करै लाग, तू घबराओ न हमार पूत बिल्कुल्लै नीक है।

ओकरे बारे मैइहन तू चिन्ता न करौ मुल परमेशुर कै धनिवाद करौ कि ऊऽ तोहार गाड़ी रोकै मा मदद किहिस।

ऊई मनई हालत रहै बेर बेर ई कहतै कि तू नाई समझि सकत हौ, तू नाई समझि सकत हौ। बाप ओहसे पूछिस कि आखिर बात काउ है, ऊऽ कहिस कि हम विरिक केरे उप्पर आपन गोड़वौ नाई धरेन वैहि नाव कै सामरथ ओकरे कार कैइहन रोकि दिहिस ई एक संकेत कै समौ रहै। केऊ खातिर कुछ करै खातिर कुछुऔ नाई रहै सांचैय खातिर, बिचारै खातिर औ कारन खातिर कौवनौ समौ नाई रहै। जबकि ऐइसन कुछुऔ नाई रहै जौवन



ऊई मनई – कैय सकत रहै यीशू मसीह के नाव विजई बनाइस काहे से कि सामरथ के चमत्कार के काम येहि दृष्य पैइहन रहै कि बैहि बालक के जिन्दगी बचावा जाय।

नाव मैइहन सामरथ औ अधिकार

फिर ऊई बारहौ कैइहन बलाय के उनका सब बदरुहन औ बेरम्हियन कैइहन दूर करै के सामरथ औ अधिकार दिहिस।
औ उनका परमेशुर करे राज के प्रचार करै औ बेमारन कैइहन नीक करै खातिर भेजिस।

लूका 9:1, 2

हमरे आराधनन मैइहन प्रचार करे साथै साथ सेवौ के समौ जरूर होत रहै, हमरे लगे मिन्ती के लाइन होत रहै जेहमा हम एक एक मनई खातिर मिन्ती करित रहेन हमका अस करत नीक लागत रहै मुल हमार आराधना बढ़त जात रहै औ अगर हम ऐइसनै करित तौ हमका आऊर कुछू करै खातिर न रहि जात हम ई सीखेन कि प्रभू यीशू मसीह केरे नाव मैइहन मिन्ती करी औ ओह पर अटल रही।

अपने विश्वास कैइहन प्रवाहित कैइके। सभा मैइहन लोगवै नीक होय के सामरथ कैइहन पाय सकै वहिन विश्वास केरे साथे जस कि हम मिन्ती करित रहै हर एक मनई खातिर अलग अलग।

जब लोग हमरे आराधनन मैइहन बोझ औ तनाव से दबिकै आवत रहैं हम ई सीखेन कि वैहि आत्मन पैइहन प्रभू यीशू मसीह केरे नाव मैइहन उनका अपने अधिकार मैइहन लियौ, ताकि भारी पल उठाय लीन्ह जाय, औ लोग आजाद होइके औ आनन्द से भरि कै जाँय। मुल असनाई है कि हमार मिन्ती



है कि जे येहि बन्धुवाई केरे जुअन कैइहन तूरत है तौई सामरथ औ अधि कार होय जौवन प्रभू यीशू मसीह केरे नाव मैइहन करत है। हमार दुवै खाली एक वाहन है जौवन वैहि सामरथ कैइहन उठावति है।

प्रतिनिधित्व कै सामरथ

यीशू उनके लगे आय कै कहिन, कि सरग औ धरती कै सगरिऊ अधिकार हमका दीन्ह गवा है।

येहि मारे तू जाय कै जतियन केरे लोगवन कैइहन चेला बनाऊ औ उनका पिता औ पूत्र औ पबित्तर आतिमा केरे नाव से बपतिस्मा दियौ।

औ उनहन कैइहन सब बतिया जौवन हम तुहें हुकुम दीन्ह है मानैक सिखाऊ, औ देखौ हम जगतिया केरे अन्त तक तोहरे साथे हन्।

मत्ती 28:18-20

येहि भाग मैइहन, यीशू मसीह कहत हैं कि “आकाश औ धरती कै सगरिऊ अधिकार औ सामरथ हमका दीन्ह गवा है औ अब हम तुहें देईत है। जाऊ औ जौन कमवा हम किहेन है ऊ तुहें करौ औ यहसे जादा सामरथी काम हमरे नाव मैइहन तू करिहौ।” – यूहन्ना 14:12

दोसरे शब्दन मैइहन प्रभू यीशू मसीह जे ओहपर विश्वास करत हैं। ऊई सगरिऊ सामरथ कैइहन उनका प्रतिनिधि बनाय दिहिस है औ अधिकारौ दै दिहिस है।

ओकरे नाव कै इस्तेमाल खातिर। येहि मारे कौवनौ बिचार नाई है हमरे विलाप खातिर, आँशु बहावै खातिर, सामरथ रहित औ कमजोरी खातिर।



हिया ई विचार नाई है कि तू शाँत रही, औ अपने आप कैइहन दैय दियौ। हम ई महिसूस करित है कि अगर हम शाँती केयरे साथै वैहि नाव कैइहन परमेशुर कैर वैहि ठवर तक जतरा हमका उपलब्ध है येहिमारे मिला है मुल हमका कौवनौ जय प्राप्त नाई होत है औ येही मा हम अपने आपै मैइहन संघर्ष करत रहित है। हमका ऊई सव मूरख वाली बतियन कातियागैक परी जौवन यीशू केरे नाव से इस्तेमाल कीन्ह जात है जैइसन कि “ओहो हमार परभू हम कतिक गरम हन्”, “हम कतिक ठण्ड हन्”, “हमार परभू हम कतिक भुखान हन्”, “हम कतिक दुबरान हन्”।

जब हम वैहि तेजस्वी नाव कैइहन बोलित है, तौ हमका उद्देश्य खातिर आदर औ सम्मान केरे साथे एक पहिचान दैइकै कि ओहमा ऊई सामरथ औ अधिकार पावा जात है।

हमका मालूम हुवैक याही कि जब हम यीशू मसीह केरे नाव कैइहन बोलित है तौ हम अपने सामुने वैहि वायुमण्डल मैइहन जौवन सब ओकर हुवै गोहराइत है औ ओकर नाव ओका दर्शावत है औ ओकर ठवर लै लियत है। जब ओकर नाव लीन्ह जात है तो ऊऽ हुँआ होत है औ यहै ओकर माने है, सामरथ केरे प्रतिनिधित्वकै।

हमरे लगे हमरे अन्टी कै कारौबार कैइहन प्रतिनिधित्व करै कै ताकत है। हमका उनके चेकौ पैइहन दस्तखत करै कै अधिकार है, पैसन का खरच करै का, उनकर खरचा चुकावै कैइहन, औ जमीनौ बेचै कै। हमका ई सामरथ औ अधिकार येहि मारे प्राप्त है काहे से कि वै हमका एक सामरथी प्रतिनिधित्व केरे रूप मैइहन ठहिराय दिहिन रहै।

यहै ऊऽ हुवै जौवन प्रभू यीशू मसीह तुहका औ हमरे खातिर दिहिन है। प्रभू यीशू मसीह हमका वैहि परिस्थितियन मैइहन सैद्धान्तिक औ सामरथ



मैइहन ऊऽ हमका वैहि पदबी पैइहन नियुक्त कैइकै वैहि सामरथी प्रतिनिधि त्व केरे रूपवा मैइहन ठहिराय दिहिन है।

नाव जौवन ध्यान करावत है

औ सरगदूतन से वोतरै उत्तम ठहिरा जतरा ऊई उनसे सुनिस,
उनसे बड़ैय पद कै वारिस होइकै बढिया नाव पाइसा।

इब्रानियों 1:4 पद

बाइबिल केरे ताँई जब प्रभू यीशू कै नाव बोला जात है तौ सगरिऊ सरग ध्यान दियत है।

हमका कत्तई ताजुब नाई होत है कि जब हम ईमानदारी आदर पूरन औ वफादारी से प्रभू यीशू मसीह कै नाव लेईत है तौ सगरिऊ सरग ईऽ कहत है - श...।

काहे हम ई जानैक चाहित है कि कौवनौ मनई बहुतै महत्वपूरन है? काहे से कि हम वैहि मनई केरे नाव कैइहन उतारब पसन्द करत हैं, हम येहिमारे वैहि नाव कैइहन इस्तेमाल करब पसन्द करित है काहे से कि ऊऽ हमका ओके नाव केरे प्रमुखता से जोरि दियत है हमार बिटियाई सीखिसर है ई साँचुई आया।

हम अपने कार्यालय मैइहन फोन कैइहन नाई सुनित है, नै तौ हम कुछुऔ काम नाई कैई सकित रहै, येहिमारे ऊँ सदीमै पहिले हमरे कौनौ सहकरमी से बतुवाय औ ने फिरि हमरे खातिर संदेश छोड़ि दियै औ यहै सच हुवै तमामन प्रबंध कन खातिर। ई. कठिन है कि हम उनसे अकेल्लै मा मिली



काहे से कि ऊई अतरा ब्यस्त मा रहत है कि हमका कहैक परत है। अपनै एक बिटिया से जौवन कि (हमारि उप-अधिकारिन है) “काल रोक्सन” कि उनका हमै फोन पैइहन दै दियौ कहि से कि हमका उनसे बतुवायैक है।

अब हमार बच्चवै खास हुवै औ ऊई आदर केरे साथे सेवा मैइहन हैं, औ ऊऽ जानत है कि औ ऊई जानत हैं कि अइकै नाव अतरा महत्वपूरन नाई होत, जतरा हमार नाव लियै से। औ येहि मेर अगर सैन्ड्रा कहैं, कि “ई सैन्ड्रा हुवै मुल हमका तौ रेक्शन से बतुवायैक है,” तौ ई कौवनौ सामान्य परिनाम न होई। अगर ऊऽ फोन कैइकै कहति कि हम अपने माई खातिर बलाइत है औ हमका जरूरत है एक्शन से बतुवाय का।

हम अपने करमचरियन कैइहन ई बताय राखेन है कि जब हम फोन करी तौ ऊई हमरे फोन कैइहन सीधै हुँआ पहुँचावै। औ येहि मारे काहे से कि होय सकत है कि हम जाय केरे तैय्यारी पैइहन होई, औ फिर हमरे लगे कौवनौ आऊर जरियौ न होय फोन करै खातिर, औ येहि मारे हमार बिटीवै सीख लिहिन हैं कि ऊई हमरे नाव कैइहन कैइसन प्रयोग मैइहन लावै ताकि उइका फुरती से परिनाम मिलै औ उनके तरफ धियानौ दीन्ह जाई।

येहिमेर हमहू प्रभू यीशू केरे नाव केरे साथे हन्। हमका जरूरत है वैहि नाव कैइहन लियै कै औ सही नाव – यीशू कै नाव। येहि मेरे हमका जरूरत है यीशू मसीह केरे नाव के प्रयोग मैइहन लावै से हमका ओकर धियान खैइचै कै, औ सगरिऊ परिनाम जौवन हमरे जरूरत कै हुवै सुनिकै राखि छोड़िन है ताकि हम ऊऽ हासिल करी जौवन ओकरे लगे है औ जौवन ऊऽ हमरे खातिर करैक चाहत है।

मिनती मैइहन ओके नाव कै प्रयोग

हम तूसे साँचै साँच कहित है कि जे हम पर बिश्वास करत है, ऊऽ कमवा जौवन हम करित है, वहाँ करी, औ येहुस भारी काम करी काहे से कि हम बाप के लगे जाईत है।

यूहन्ना 14:12

हम वैहि सामरथी आतिमा केरे बारे मा नाई कहित है। मुल जब हम मिनती करित है तब हम यीशू केरे नाव कैइहन येहि मेयर से लियैक चाहित है। पचहत्तर प्रतिशत प्रार्थनन मैइहन हम प्रशंसा औ आराधना करित है। तब हम पाईत है कि धनिबाद रूपी भेंट चढ़ावै से हमार मिनतिन मैइहन एक प्रभाव बढत जात है।

ई बढिया बात है कि हम प्रभू यीशू मसीह से जानै, कि ऊऽ काऊ चाहत है। यीशू मसीह बताईन है कि हम ओकरे नाव मैइहन माँगै अगर हम आराधना करै वाले औ अगर हम धनिवादित हन् औ शुकुर गुजारु से भरा हन् तब हम अपने मिनतिन कैइहन जादस जादा समौ परमेशुर केरे बड़ाई मैइहन बिताय सकित है। तब हम अपने जरूरतन कैइहन प्रभू यीशू केरे नाव से दरसाय सकित है, तब ऊऽ फुरती से हमरे जरूरतन कैइहन पूरा करै खातिर हमरे ओरिया फिरी।

बहुत बेर हमरे ब्यक्तिगत मिनतिन केरे समौ जौवन कि बहुत खास है हमरे खातिर, हम उनके हाजिरी मैइहन परवेश करत रहेन, औ तब हम बेर बेर ओकरे नाव कैइहन लेईत है। **यीशू, यीशू, यीशू** हम तूसे पियार करित है हम तोरे नाव कैइहन रोशन करित है, हम तोरे पबित्तर नाव कैइहन ऊँचे उठाईत है।



हम सीखेन कि जब हम कि जब हम वैहि नाव कैइहन वोलित है तब सामरथ उतरत है तब कैदी आजाज होत हैं औ लोगवन कै सगरिऊ बन्धना टूटि जात है। जब हम बोलित है तौ हम चाहित है कि सगरिऊ बेराम मनई चंगाई पावें औ सगरिऊ बदरु है निकारी जाँय?

ऊई सामरथ औ अधिकार खाली हमहिन का नाई मिला है। ओकरे नाव कै सामरथ हर एक विावसियन कैइहन उपलब्ध है।

तू ईऽ नाई जानि सकत हौ कि काऊ होई, अगर तू विशवासी लोगवै अपने अभिषिक्त हाथ केऊ के उप्पर धैय कै बोलौ, “कि यीशू केरे नाव मैइहन नीक होय जाऊ।”

कैइयौ दाँई जब हम प्रभू यीशू केरे गवनई कैइहन गाइत है तब हम ई नाई समझि पाइत कि काऊ उपदेश परमेशुर हमका दीन्ह चाहत हैं। (यूहन्ना 14:12-14 पद) “हम प्रभू यीशू मसीह” से कहित है कि जब हम ओके नाव मैइहन मिनती करित है, तब हम वैहि बाप केरे ताँई पेश करित है जौवन यीशू केरे काँई है। हम पसन्द करित है काहे से कि ई एक बहुमूल्य ठवर हमका पावैक है।

हम ई नाई पेश करित है कि हम काऊ हन् औ काऊ रहेन औ काऊ हुवैक चाहित है काहे से कि हम गलितन गल्ती करित है।

जब हम मिनती करित है कि बाप हम तोरे लगे यीशू मसीह केरे नाव मैइहन आइत है औ विशवास से यीशू मसीह कै खून कैइहन अपने जिन्दगी पैइहन लगाइत है, हम चाहित है कि तू हमरे सब गुनाहन कैइहन माफ कै दियौ। औ हम वैहि नाव से आइत है जौवन हर नावन से उप्पर है। हम अपने बाप कैइहन सब ऊऽ चिजिया जौवन ओकरे पूत यीशू मसीह कै हुवै पेश करित है। हम ओका याद देवाइत है कि जौवन तियाग ऊई हमरे खातिर



किहिस। ऊऽ येहि संसार मैइहन एक दाँई सबका खातिर आवा जेहसे पाप केरे सामरथ कैइहन हमसे अलिगियाय दियै। ईऽ ऊई अपने बलिदान केरे काँई किहिस। - इब्रानियों 9:26 पद हमरे खातिर क्रूस पैइहन मरि गवा औ फिरि तिसरेन दिन जी उठा। हम यीशू मसीह मैइहन अपने विश्वास कैइहन घोषित करित है ताकि हमार पाप सदी मै खातिर चित्त पैइहन न होय।

जब हम कौवनौ आराधना मैइहन सेवा करित है तौ हम आशा करित है कि सामरथ भरा कामन कैइहन होत देखी। हम अपने नाव कै इज्जत पावै खातिर नाई करित है।

हमार काम खाली अतरै है कि विश्वास मैइहन ठाढ़ होइकै ओकरे नाव कैइहन, बोलब, हमार काम है कि लोगन खातिर मिन्ती करब औ परमेशुर पैइहन ओकरे परिनाम कैइहन छोड़ि दियब। हम चाहित है कि ओकर नाव फ़ैलावा जाय, औ उठावा जाया हम चाहित है कि लोग ई जानै कि प्रभू यीशू केरे नाव मैइहन कतिक सामरथ है।

अपनेन ताँई से मिन्ती करौ अपने सगरिउ दिनम

पतरस औ यूहन्ना संझा कैइहन तीन बजे मिन्ती केरे समौ मन्दिर मैइहन जात रहैं। औ लोगवै एक मनई कैइहन जौवन जलमै से लेंगड़ रहै लिहे जात रहै, जौवनेक वै रोजै मन्दिर केरे मुहारे पैइहन जौवन “सुन्दर” कहावत है बैइठाय दीन्ह करत रहै कि ऊई मन्दिर मैइहन घुसै वालेन से भीख माँगै। तब पतरस, यूहन्ना केरे साथे ओका एक टक लगाय कै देखिन औ कहिन कि “हमरे ओरिया देखौ”। ऊऽ कुछ पावै केरे आशा से ओकरे ओरिया देखै लाग। तब पतरस कहिन



कि “हमरे लगे चाँदी औ सोना तौ नाई है, मुल जौवन हमरे लगे है ऊऽ तुहका देईत है कि यीशू नासरी करे नाव से चलौ फिरौ।”

प्रेरित. 3:1-6 पद

अगर हम यीशू मसीह केरे नाव मैइहन लोगन खातिर आऊर जाद प्रार्थना करै के बजाय उनका जाँचौ, तब हम ऊइके औ अपने जिन्दगी मैइहन औउरौ जादा बदलाव देखब कोहसे कि लोगवन कैइहन जाँचै औ उनके बुरइयन कैइहन निकारै से नीक रही कि उइका खातिर मिनती करै मैइहन समौ लगावैं।

हम तुहें एक उदाहरन देईत है। – मानि लियौ हम एक जवान मनई कैइहन सड़क पैइहन जात देखित हैं काहे से कि ऊऽ लड़खड़ात है तौ हम अनुमान लगाय सकित है कि ऊई नशा किहिस है औ नै शराब पीऽस है। काहे से कि ऊऽ गंदा औ मैइल कुचुल है, हम ई अनुमान कै सकित है कि ओकरे लगे रहै खातिर घरौ नाई है। कतरौ बेर हम एक ऐइसन मनई कैइहन देखि कै अपने आप से कहित है कि कतरा शरम कै बात है। कि कोई आपन जिन्दगी येहि मेयर नाशि करै, अतरा भयानक तरीका है। जियै कैइहन हमका विशवासै नाई होत है कि लोग कौवन मेयर से बुरा दशा मैइहन अपने आप कैइहन पहुँचाय लियत हैं।

जब कि ओहसे कहूँ कम समौ औ ताकत ई कहै मा लागत है कि बाप प्रभू यीशू मसीह कै नाव वैहि मनई खातिर मिनती करित है। हम वैहि जवान खातिर मिनती करित है कि ओकरे दुख कै परिस्थितियन मैइसे छुटकारा मिलै, ओकरे जिन्दगी मैइहन निपुण औ भ्रमशील ढर्रा बनै, ताकि ऊ लोगवन कै सुनै औ लोग ओहसे अच्छा शब्दन काँई बतुवाय सकैं। परमेशुर तुहार



धनिबाद होय कि येही समौ से ओकरे जिन्दगी मैइहन काम होय लागै औ ऊई फिरिऊ कब्भौ न भटकै।

जौवन मेयर पतरस औ यूहन्ना कहिन है कि हमका अपने मिनतिन कैइहन अपने तरीकन से दिन भरे मा करैक चाही औ हमका अपने वैहि बतियन से छुटकारा पावैक है कि मिनती खाली एक देही केरे आसन केरे रूप मैइहन औ नै फिरि घर के एक खास ठबर मैइहन औ नै गिरजाघरन मैइहन होय। ई साँचौ कि हमका जरूरत है एक ब्याख्यान निपुण होईकै औ नै सारथक शब्दन कैइहन बिचारत हुए परमेशुर केरे आगे आउब है। औ फिरि हम अपने बिचारन कैइहन मजबूत कै लेईत है कि ओहसे कीन्ह गय मिनती पैइहन जरूर जय पाय लियब औ परमेशुर हमरे मिनतिन कैइहन जरूर सुनी।

प्रार्थना खाली परमेशुर से बतुवायैक है औ हम ई रोजै कैइ सकित है, औ पूरे दिनौ। पतरस औ यूहन्ना केरे ताँई हमका प्रभू यीशू केरे नाव मैइहन मिनती करै कै जरूरत है। ओकरे नाव मैइहन विशवास केरे साथे। ओकरे नाव मैइहन मिनती करब हमरे खातिर एक बिरासत है। (जस परमेशुर केरे पूत और विरियन कैइहन) प्रभू यीशू केरे खून केरे काँई एक अधिकार से प्राप्त है)

यीशू मसीह केरे खून मैइहन सामरथ है जैइसन कि ओकरे नाव मैइहन सामरथ है।

ओकरे नाव मैइहन सामरथ है

काहे से कि अगर अशुद्ध लोगवन पैइहन छड़गिन औ बरधन कै खून औ कलवरि कै राखी से छिड़िक कै देही केरे अशुद्धता खातिर पाक करत है। तौ मसीह कै खून जे अपने



आप कैइहन सनातन आतिमा काँई परमेशुर केरे सनमुख
निरदोष चढाय दिहिस, तोहरे विवेक कैइहन मरे हुए कामन
से औउरौ जादा काहेक न शुद्ध करी कि तू जिन्दा परमेशुर
कै सेवा करौ?

इब्रानियों 9:13-14 पद

हमका पसन्द आवत है कि गवनई गाऊब औ बात करब वैहि यीशू केरे
नाव केरे बोर औ ओकरे खून केरे बारेमा। काहे से कि हम मजबूती से
विश्वास करित है कि अगर हम ऐइसन करित है इमानदारी से, तौ शैतान
जरूरै भागि जाई।

अगर हम ताजुब के काम कै बाताबरन स्थापित करैक चाहित है तौ दुअन
का शुर कै देई। गवनई गाऊब, प्रचार करब औ यीशू मसीह केरे खून कैइहन
औ ओकरे नाव कैइहन ऊँचा ऊठाउब शुरु कै देई।

ओकरे खून मैइहन अतरा सामरथ है कि ऊऽ जिन्दगी भरे कै पपवौ
कैइहन धोय डारी।

वैहि परमेशुर केरे सामरथ का सीखौ इस्तेमाल करैक तोरे खातिर
उपलब्ध है औ ओकरे नाव कैइहन अपने मिन्तिन मैइहन औ ओकरे बड़ाई
मैइहन इस्तेमाल करौ न कि बेकारै मैइहन। सोचौ कि हमरे लगे काऊ है।
हमरे लगे यीशू कै नाव औ ओकर खून है। खून हमका पूरै ताँई हमरे पापन
से शुद्ध करत है। हमार पाप ऐइसन साफ होय जात है जस कि हम कब्भौ
पाप किहेन न होय (1 यूहन्ना 1:7) सरग औ धरती कै सगरिऊ सामरथ
यीशू केरे नाव मैइहन है औ ऊ नाव हमका दीन्ह गवा है, अब हम यीशू
केरे खून से धोय चुकेन है अब हमका आगे बढ़ैक है। वैहि निश्चयता केरे
साथे कि जौवन हम यीशू केरे नाव से माँगित औ नै बोलित है, ऊई वायदा



किहिस है कि ऊऽ हमका देई। कहि से कि ओकरे नाव मैइहन सामरथ है जैइसन कि जौवन ऊ है ऊऽ हमका प्रस्तुत करत है।

अपने जिन्दगी कैइहन सामरथ हीन न बिताऊ, परमेशुर कै सामरथ प्रयोग करैक सीखौ। जौवन तुहका ओकरे नाव केरे काँई मिनती औ प्रशंसा कैइकै प्रापत होय सकत है, - जौवन बेकारै मा नाई है।



4

ओकरे नाव कैइहन बेकारै मा न लियौ



तू अपने परमेशुर यहोवा कै नाव बेकारै मा न लियो, काहे से कि जे यहोवा कै नाव बेकार मा लियत है, ओका यहोवा दण्ड दिहे बिना न छोडी।

निर्गमन 20:7 पद

तुहै परमेशुर अपने परभू केरे नाव कैइहन बेकारै मा इस्तेमाल करैकन चाही, औ न दोहरावैक चाही (ईऽ कि हलुक ताँई न तौ हँसी मैइहन, औ न तौ गलत रीति से ओकरे नाव कै कसम खायौ औ न दूषित किहौ।) काहे से कि जे यहोवा कै नाव बेकारै मा लेई ऊऽ निरदोष न ठहिरावा जाई।

कैइयौ साल पहिले हम येहि बिषय कै परकाश पायेन कि हमका बेकार मैइहन परमेशुर कै नाव न लियैक चाही।

वही समौ से हम सदीमै ईऽ बिचार किहेन कि परमेशुर कै नाव लियब वैहि मेयर से है जैइसन कि परमेशुर केरे नाव कैइहन कौवनौ शापित शब्दन केरे साथे टोकि दियब औ नै फिरि कौवनौ औउरिऊ दोषपूरन तरीकन से इस्तेमाल करैक, मुल जब हम येहि पद कैइहन पढ़ेन जौवन बतावति है जौवन हँसी मैइहन हलुक रूप मैइहन ओकरे नाव कै इस्तेमाल करत हैं तौ



परभू उनका कब्धौ निरदोष न ठहिराई। तब परमेशुर हमका देखाईन कि कैइयौ दाँई हम बेकारै मा इस्तेमाल करित है।

हम “परमेशुर” शबद कैइहन कैइयौ मेर से इस्तेमाल करित है।

सकारात्मक औ नकारात्मक कैइहन मिलाउबा

काऽ सोता केयरे एक मुँह से मीठ औ खारौ पानी
निफरत है?

याकूब 3:11 पद

हम एक कारन से विश्वास करित है कि हम सामरथ कैइहन काहे नाई उतरत देखि पाईत, वैहि परमेशुर केरे नाव मैइहन काहे से कि हम अपने परचार मैइहन सकारात्मक औ नकारात्मक कैइहन मिलाय देईत है। जब हम ऐइसन करित है तब ओकै परिनाम शून्य होय जात है।

जब हम बंधना कैइहन तूरा चाहित है तब हम परमेशुर केरे नाव कैइहन नकारात्मक रूपवा सकारात्मक रूप मैइहन नाई लेईत। घूमि कै चारिऊ ओरिया ओकरे नाव कैइहन नकारात्मक रूप से लियत औ ई समझितेऊ पैइहन कि अबहिनेऊ ओकै सामरथ तोरे लगे है।

वैहि माहौल मैइहन परमेशुर हमसे बोलिन कि (न तौ वैहि सुनै वाली आवाज केरे काँई मुल हमरे आतिमा केरे काँई) उई कहिस, — “कि कुछ जने कहूँ पैइहनौ नाई पहुँचि पावत काहे से कि कुछ दिन ऊई नकारात्मक रहत हैं तौ कुछ दिन वही वस्तू खातिर सकारात्मक होय जात हैं।”

जब हम मिनती करित है वैहि शब्दन से तौ वैहि लइनिया कैइहन सुईकारित है। तब फरिस्ता हमरे खातिर वैहि काम कैइहन करत है। (देखत



भजन संहिता 103:20 औ इब्रानियों 1:14) जब लोगवै ऐइसनै कुछ चिजिया बोलत हैं, “ओह! हमार प्रभू हम कतिक थकि गयेन है।” वै मिनती नाई करत है, वैई खाली अपनेन मरजी कैइहन एक कहावत केरे रूप मैइहन दर्शावत हैं।

अब बढिहा है कहब कि “ओह! हमार परभू हम कतिक थकि गयेन है।” जब हम सच्चाई से अमने मन कैइहन परभू केरे ओरिया उठाईत है सत्यवादी केरे मेयर वैहि दशा मैइहन रहितेऊ पैइहन, मुल कैइयौ समय हम ऐइसन नाई करित है। बेगैर ओकरे साँचे बिचारे हम परमेशुर केरे नाव कैइहन बलुक येहि ताँई से औ ने मजाक केरे तौर पैइहन लेईत है। हम जैइसन कि देखेन है कि परमेशुर अपने शब्दन मैइहन साफै कहिन है कि जे केऊ ऐइसन करत है ऊई निरदोष न ठहिरावा जाई, येहि कारन हमका सचेत रहैक है येहि बाते खातिर कि हम ओकरे नाव कैइहन कैइसन इस्तेमाल करित है।

जहाँ कहूँ हम जाईत है, हम सुनित है, विसवासियन से कि “ओह! प्रभू” औ नै प्रिय परमेशुर जबकि ऊई ओहका नाई सम्बोधित करत है। वैहि मेर से परभू केरे नाव कैइहन लियब उनकै एक आदत बनि चुका है।

येहि कथन कैइहन कहब उनकर एक आदत बनि गवा है, जैइसन कि “परमेशुर आज कतिक गरमी है।”

हमार परमेशुर तरकारिन कै भाव कतिक बढि गवा है। “परमेशुर आज कतिक जाड़ है, अच्छा परभू हम कतिक भुखान हन् औ शाईद मरै वाली हन्।”

जब हम परचारकन केरे साथे होईत है तबैहिनौ हम येहि भाषन कैइहन सुनित है, अराधना करै वालन से, अगुवन औ धरम प्रचारकन से आऊरौ लोगन से। साँचुई कहा जाय तौ हम ई अतरा सुनित है कि कौवनौ समौ नाई होत है कि हम उनका सुधारी, मुल वै सदीमै करत है। बलुक ई हमका दुख



पहुँचावत है, हमका ई पता है कि वै अपने आप कैइहन नुकशान पहुँचावत हैं जब वै ऐइसनै करत हैं।

परभू हमका देखाईन है कि बहुतै लोगवै जौवन मसीह कै देही हैं ऊईका येहि क्षेत्रन मैइहन एक नाटकीय रूप मैइहन बदलै कै जरूरत है।

ओकरे नाव कै आदर

अतः जब हमका ऐइसन रजिया मिलै पैइहन है जौवन अटल है तो आऊ, हम कृतज्ञ होइकै आदर औ भय सहित परमेशुर केयर ऐइसन उपासना करै जौवन ओहका ग्रहन योग्य है।

इब्रानियों 12:28 पद

हम ऐइसन कार्य, कम औ सिनेमा कैइहन टेलीविजन पैइहन देखब पसंद नाई करित है जेहमा परभू कै नाव बेकारै मा लीन्ह जात होय। ईS माइने नाई राखत कि कौवन मेयर कै कार्यक्रम हुवै औ कतिक हम औ हमार परिवार ओका देखैक चाहत है, अगर ओहमा परभू कै नाव बेकार लीन्ह जात है, तौ ओका बन्द कै दीन्ह जात है।

काहे?

काहे से कि ऊई आदर केरे योग्य नाई होत है। हम परभू से अतरा जादा परेम करित है बजाय कौवनौ औउरिऊ नाव कै प्रयोग करै कै खाली ऊई हमरेन खातिर बहुत किहिस।

हम सच्चाई से विश्वास करित है कि अगर हम चाहित है कि परमेशुर कै नाव हमरे जिन्दगी मैइहन उलेड़ा जाय, जब हमका ओकर जरूरत होय, तब हम वैहि नाव कैइहन आदर देई बाकी कै समौ मैइहन हमरे मैइसे बहुतन



केरे लगे आज ई उपाय नाई है जौवन आदर परमेशुर केरे नाव खातिर पुरनके नियम केरे लोगवन केरे लगे रहै।

ओकरे खातिर ओहमा ऐइसन आदर पूर्ण डेर रहै कि उई ओहका बोलतौ तक नाई रहै। कईयौ दौई खाली “ओकरे नावै” से सम्बोधित करत रहै काहे से कि उनका वैहि सामरथ केरे बारेमा पता रहै जौवन ओकरे नाव मैइहन रहै।

दाउद पुरन के वाचा से सहमत रहत रहै जब ऊई गोलियत से सामुना किहिस रहै, पलिशती ओकरे सक्षम दानव से (इस्त्रायलियन कै दुश्मन) जे अपने परमेशुर से श्राप देवाईन औ धमकी देवाईन कि ऊई ओकर... मास बदरे मैइकै यिरैइवन औ मैदान केरे बन कै पशुअन कैइहन दियबा - (1 शमूएल 17:43-44 पद)

दाऊद बडैय दुबिधा केरे हालत मैइहन परि गवा, मुल ऊई अपने दुश्मनन कैइहन ईऽ धमकी दैइकै घोषित किहिस, तब दाऊद पलिशती से कहिस कि “तू तौ हमरे लगे तरवार औ भाला औ बरछी लैइकै आयौ है, मुल हम सेनन कै यहोबा, इस्त्रायल कै सेना केरे परमेशुर केरे नाव से तोहरे लगे आयेन है जेहका तू ललकारेऊ है।” (1 शमूएल 17:45 पद)

तब दाऊद कहिस, “तुहार मुड़वा तोहरे धड़ा से अलग कैय दियबा।” (पद 46)

जब दाऊद वैहि सक्षम दानव से लड़ाई करै खातिर बाहेर आवा, ऊई नाई किहिस सिवाय गोफन के औ प्रभू केरे नाव कै। मुल ऊऽ कहूँ जादा सामरथी रहै अपने वैहि पितरिक बना वैहि गोफन यानी धनुवास से दश्मन कैइहन परास्त करै खातिर।

औ यहै हमका औ तुहुँक करैक है, ऊई बिरोधी आतिमिक दुश्मन कैइहन मारै खातिर जौवन शैतान है। हमका वैहि आतिमिक हथियारन कै



प्रयोग करैक है औ जस कि हम देखेन है, ओहमा से एक हथियार है ओकर नाव, अँधेर कैइहन बे धैय वाला वैहि यीशू के नाव।

समिसियन केरे समौ आतिमा कै सहायता लियो

काहे से कि हमार ई मल्ल युद्ध मास औ खून से नाई है बलुक
परधानन, अधिकारियन, अँधेर कै संसारिक ताकतन औ दुष्टता
कै वैहि आतिमिक सेनन से है जौवन बदरे मैइहन हैं।

इफिसियों 6:12 पद

जब केऊ हमका रिस देवावत औ नै निराश करत है ईऽ कुछ नीक नाई
कि केहू कैइहन ब्यक्तिगत रूप से जाँचौ औ न दोष लगाऊ मुल प्रभू यीशू
मसीह केरे नाव से ओहसे बिऊहार करब है औ वैहि आतिमा से जौवन
ओकरे पाछे है औ ओकरे काँई काम करत है।

कैइयौ दाँई ऐइसन समौ जस गोल्फ केरे मैदान पैइहन। जब हम लोगन
केरे बिच्चेम होइत है तौ हम सदीमै ऊइका कोसित पायेन, वैहि समौ हम
सीखेन, कहित है कि यीशू केरे नाव मैइहन कोसै वाली बदर्ह हम तौर
पैइहन यीशू केरे नाव से अधिकार देईत है कि तू अपने मुँह कैइहन बन्द
करौ। हम दिन भर ई सुनैक नाई चाहित है।

एक दोसरे समौ मैइहन सुनब, लोगवन कैइहन दोष लगावत, बुड़बुडात,
कुड़कुडात औ कमिया ढूँढत औ ओकरे साथे हमका पूरै दिन बितावैक परत
है। बाप हम येहि दैव्य आतिमा पैइहन अधिकार लेईत है और यीशू मसीह
केरे नाव मैइहन येहका बाँधित है औ हम येका दिन भर सुनावैक नाई चाहित
है। (देखौ मत्ती 18:18)



कैइयौ दाँई लोगवै हमसे पूछत कि काऽ तुँहें हर दाँई तुरतै उत्तर मिलि जात है?

हमार उत्तर होत है कि नाहीं। लोगवन केरे लगे आपन एक इच्छा है औ ऊई हमरे मिनतिन कै इनकार करत दोहिराय सकत है मुल हम अपने खुदै केरे जिन्दगी मैइहन येका सीखित है, येहसे पहिले कि केऊ दोसर काम करै पहिले मिनती करै।

मिनती करब एक सकारात्मक ताकत हुवै। समसियन कैइहन सुलझावै कै। अगर हमका कौवनौ खास मनई कैइहन सीधै कहैक जरूरत परै तौ हम जरूर कहब, मुल हम सदीमै ई चाहब कि येहि मेर कै परिस्थितियन कैइहन पवित्तर आतिमै अगुवाई करै।

खास बतिया ई है कि हमका जादा प्रार्थना करै कै जरूरत है। वैहि लोगवन खातिर जेहसे हम रोजै मिलित जुलित है। हमका ईऽ याद राखैक जरूरत है कि परभू यीशू केरे नाव मैइहन सामरथ है।

ई नाव कौवनौ मजाक नाई है।

औ न निरलज्जता न मूढता कै बातचीत कै न टट्ठा कै काहे
से कि ई बतिया सोहत नाई है, बलुक धनिबादै सुना जाय।

इफिसियों 5:4 पद

दोसर चीज जौवनेक हम आदत डारेन जेकरे खातिर परमेशुर हमका सजा दिहिन ऊऽ रहै यकरे नाव कै बेकारै मा इस्तेमाल करब रहै मूरखता पूरन बतियन मैइहन इस्तेमाल करबा मिशाल केरे तौर पैइहन एक रात हमार पूत ठीकै खाय केरे समौ आवा हम बहुतै जायका दार खायक मेजिया पैइहन

सजा येन रहै, औ खाली बोलतै जात रहै। कैइयौ विषय केरे उप्पर जौवनेम हम परैक नाई चाहित हन्।

जब हम देखेन कि ओका जाय कै फुरती नाई है तब हम हँसी मैइहन ओहसे कहेन, यीशू केरे नाव मैइहन दूरि होय जाऊ जैइसनै हम ऐइसन कि हेन हमरे भित्तर भारी दोषानुभूति पैदा होय गय, काहे से कि परमेशुर हमका येही क्षेत्रन मा सिखावत रहै। हम ऐइसनै लोगवन कैइहन बहुतै बेर कहतै सुनित है मुल हमका सजक रहैक जरूरत है कि हम ओ के नाव कैइहन मजाक मैइहन न प्रयोग करी।

हम एक दाँई एक सामरथी मसीही केरे बिच्चेम खायक खाय गयेन, जौवन प्रार्थना करै वाला रहै, जौवन सदीमै बचन कैइहन बाँटत रहै हम ओका ए घन्टा मैइहन पाँच दाँई प्रभू केरे नाव कैइहन बेकारै मा लियत सुनेन (हलुक पन से औ बेकूफी तौर से) बहुतै दाँई विशवासी ऐइसनै करत हैं, बिना ई महिसूस किए कि ऊऽ काऊ करत है।

जब तू परमेशुर केरे नाव कैइहन प्रयोग करत हौ तौ येहि बाते कै यकीन राखौ कि तू विशवास योग्य हौ अगर तू बुरी आदतन केरे वजह से गलती करत हौ। अगर तू अपने आप कैइहन गलत रीति से वैहि नाव कै प्रयोग करत औ सुनत हौ तौ वहिन समौ रुकौ औ पश्चाताप करौ। परमेशुर से कहौ कि ऊ तुहका क्षमा कै दियै ओकरे नाव कैइहन बेकारैमा लिये खातिर। मुला येहि बतिया कैइहन महिसूस करौ कि तू अपने आप कैइहन चोट पहुँचावत हौ ओकरे नाव कैइहन गलत ढंग से प्रयोग कैइकै। अगर तू चाहत हौ कि ओके नाव कै सामरथ तोहरे जिन्दगी मा उलेड़ी जाय जब तूका जरूरत हुवै, तब तुहै बकिया समौ मैइहन ओके नाव कैइहन आदर दियैक होई।



सामरथ वहिन छिन तोरे खातिर मौजूद होय जात है जब तू विश्वास कैइकै ओकर नाव गोहरावत है। सामरथ वैहि सगरिऊ शैतानी ताकतन औ ओकरे सेनन केरे खिलाफ मैइहन इस्तेमाल मैइहन लावै खातिर सामरथ हमरे मदद खातिर सामरथ दोसरन कैइहन आशीष दिवै खातिर। हम वैहि रिसियाय वाली सामरथ कै बतिया नाई करित है मुल ऊई महान धारा प्रवाह से बहै वाली परमेशुर कैइहन उतारि कै हमरे बिच्चेम कैय सकति है।

येकर एकै कुन्टनी है वैहि सामरथन कै ऊऽ है कि वैहि तेजस्वी नाव कैइहन बोलब— “यीशू” आदर औ सम्मान केरे साथे।

5

आदर और सम्मान



ओकरे नाव कै अमतमदबम। दक त्मचमबसश्वत जीम छंउम
“मुल जौवने छली केरे झुण्ड मैइहन नर पशू होय औ ऊऽ
जेकर मन्नत मानिऊ कै दोषी पशु कै बलि प्रभू खातिर चढ़ावै
ऊऽ शापित होय, काहे से कि हम तौ महाराजा होई। सेनन
केरे यहोवा कै इहै बानी है, औ हमार नाव सब जतियन
मैइहन डेराय वाला है।”

मलाकी 1:14 पद

अब जब तू येहि किताबन केरे बिन्दू तक पहुँचि चुकेऊ है, हम यकीन
करित है कि तू ई अनुभव किहौ। होई कि प्रभू यीशू कै नाव वैहि सब
साधारन नौवन से बढ़िहा है। येहि पद मैइहन प्रभू यीशू खुदै सचेत किहिन
है कि ओकरे नाव कैइहन आदर पूरन डेर से लियौ।

ईऽ शब्द “डेर” केरे मायना मा हिंसा देखावा गवा कि आदर, भरा भरोसा
परेम और आज्ञाकारिता से ओकरे तरफ होय, यहोवा कै डेर मानब बुद्धि कै
शुरुआत है, मरखवै बुद्धि औ शिक्षा कैइहन तुच्छ समझत हैं। – नीतिवचन
1:7 पद



हमका बतावा गवा है कि अगर तू सच्चाई कैइहन जानैक चाहत है। हम सोचित है आज बहुतै मसीह वै अपने सम्मान कैइहन दोसरे चिजियन मैइहन खोय दिहिन हैं।

जब हम ई सीखित है कि परभू हमार मित्रर हुवै तब हम बहुतै आदर दायक रिश्तन मैइहन ओकरे नेरे आय जाईत है। मुल कैइयौ दाँई ऊई हिरदौ से बतुवात है कि हमका होशियार हुवैक है कि ऊई “कौवनौ ऐइसन जब हुवै” औई सोचौ कि “कोई” है सिवाय ई जानौ कि ऊई महान औ आदर केरे योग्य है।

आदर, आज्ञाकारिता कैइहन उत्तेजित करत है

हे लरकवै परभू मैइहन अपने माई बाप कै हुकुम मानौ, काहे से कि यहै ठीक औ उचित है। अपने माई बाप कै आदर करौ ई पहिलका हुकुम आय जेकरे सथवा प्रतिज्ञा है।

इफिसियों 6:1, 2

हम विश्वास करित है कि अगर हम आदर परघट करै वाले होई जाँय, तौ हम आउरिऊ जादा आज्ञाकारी होय जाईब।

जब बच्चवै आदर पूरन औ आदर परघट करै वाले होय वाले होय जात है अपने महतारी केरे प्रति तौ वै उनसे बँहस नाई करत हैं औ न उनकै विरोध करत हैं।

हम यैहि निचोड़ पैइहन विश्वास करित है कि काहे बहुत से बच्चवै अपने माई बाप कै आदर सम्मान नाई करत हैं जैइसन ऊइका करैक चाही, काहे से कि वैहिमहतारी औ बपवै तौ आदर सम्मान वैहि चिजियन केरे प्रति औ आतिमिक अगुवन केरे प्रति खोय दिहिन है, औ अपने अधिकारौ कैइहन



बेकार कै बतियन मैइहन लगाय दिहिन हैं और येहिमेर ऊई आदर औ सम्मान बच्चवन औ महतारी बापन केरे बिच्चे से खतम होय गय औ येहि मारे वै विद्रोह करत औ बहँस करत हैं। अगर महतारी बाप खुलि कै अपने साथ काम करै वालन कै निरादर करत है तौ ऊई अपने बच्चन कैइहन निरादर करै कै गलत शिक्षा दियत हैं।

ई बहुतै साधारन सी बातें हुवै कि अगर तू देखौ कौउनिकु ठवरि पैइहन जस कि दुकान पैइहन औ देखौ कौवनौ दुई साल कै बच्चा कैइहन कि कौवन मेयर ऊ कौवनौ बस्तू कैइहन पावै कै जिद्द करत है औ आपन रिस परघट करत है औ नै अपने महतारी का पाँव से मारत है। अगर हम अबहिऊँ येहि चिजियन पैइहन नाई गौर करित है तौ हमार बच्चा अंत मा हमरे प्रति औ वैहि आसमानी बाप केरे प्रति येही मेर के बिउहार करत पावा जात है। दोसरे शब्दन मैइहन ऊई आदर औ सम्मान हमारे प्रति औ परभू केरे प्रति औ सबके सथवौ जौवन कुछ ओकरे अधिकार मा है।

येहका हमका सबका समझैक चाही कि शैतानई है सब करवावा चाहत है। ऊऽ दुनिया मैइहन येहि मेयर कै कोशिश करत है, जैसन कि निरादर चुपके से आपन ढर्रा बनाय लियत है, काहे से कि ओका मालूम है कि ओकरे अस करै से हम बिन आज्ञा मानै वाले बनि जाइत है। आज्ञा कै उलंघन करै से हम परमेशुर केरे वैहि सामरथ कैइहन अपने जिन्दगी मैइसे खोय देईत है। हमका एक बाते कै चौकसी करैक है कि हम ओहकै सामरथ पाय लेई।

प्रचलित होय से आदर-सम्मान

जब वै नाकोन के खलिहान तक आये तौ उज्जाह ने आपन हथवा परमेशुर केरे सन्दूक केरे ओरिया बढ़ाय कै ओका

थाम्ह लिहिस, काहे से कि बरध वै ठेक्कर खाईन। तब यहोवा कै कोप उज्जा पैइहन भड़क उठा औ परमेशुर ओकरे दोष केरे कारन ओका हुँआ ऐइसन मारिन कि ऊई हुँवै परमेशुर केरे सन्दूक केरे लगे मरि गवा।

2 शमूएल 6:6, 7 पद

पुरनके नियम केरे येहि पाठ मैइहन हम देखित है कि दाऊद औ आकै लोग वैहि वाचा केरे सन्दूक कैइहन वापिस लैइकै आवत रहै, तौ जैइसनै वै नाकोन केरे खलिहान तक आये, बरधन केरे ठेक्कर खाय से हालै लाग। उज्जा जौवन एक जवान लड़का जौवन वैहि गाड़ी कैइहन चलावत रहै, बढिकै ओका थाम्है खातिर लपका औ सन्दूक कैइहन थम्हिस औ... परमेशुर ओकरे दोष केरे कारन ओका हुँआ ऐइसन मारिन, कि ऊऽ हुँआ परमेशुर केरे सन्दूक केरे लगे मरि गवा। (पद 7)

हम पाठ 3 और 4 मैइहन पढि सकित है कि परमेशुर मूसा कैइहन एक विशेष रूप से चिताइन रहै कि कौवन मेर येहि सन्दूक कैइहन थाम्हा जाय औ आगे तक बढावा जाय। पद 8 दाऊद खातिर कहत है कि दाऊद वैहि सन्दूक केरे कारन उज्जा कै मौति भय के दुःख औ पीरा से भरि जात है। ऊऽ ई नाई समझि पावत रहै कि उज्जा खाली सन्दूक कैइहन छूतै काहेक मरि गवा।

1 शमूएल 7 मैइहन हम पढित है कि जब ऊऽ सन्दूक इस्राएल पहिले इस्राएल कैइहन वापिस लावा गवा रहै फिलिप्पियन केरे काँई तब ऊई अबीनादाब केरे घर पैइहन धरा गवा रहै उज्जा कै बाप कै कैइयौ सलियन तक। हम विश्वास करित है, काहे से कि सन्दूक हुँआ अतरे दिनन तक हुँआ रहै के कारन उज्जा खातिर ऊई एक साधारन ठवरि होय गवा रहै, येहिमारे ऊऽ ओहका वैहि सम्मान से नाई देखत रहै येहि कारन ओका तनिकौ डेर



नाई रहै कि ओहका नाई छुवैक है। वैहि सन्दूक केरे प्रचलित होय के कारन ओकरे भित्तर ओके प्रति ऊऽ सम्मान नाई रहै औ येहि कारन ओका आपन जिव गवाँ वैक परा।

समानता सामरथ मैइहन कमी लावति है

औ ऊऽ ओके अविश्वास पैइहन ताजुब किहिस औ चारिऊ ओरिया गाँवन मैइहन उपदेश करत फिरत रहै।

मरकुस 6:4-6

हमका चौकस रहैक है कि हम चिजियन करे प्रति समानता न राखैँ काहे कि एक दाँई अगर हम ओकरे प्रति समानता राखैँ लागित है तब हम ओके प्रति ऊऽ इज्जत नाई राखि पाईत जस कि हमका राखैँक चाही।

इहै साँचुई प्रचलित लोगवन के प्रतिऊ है। हम जानित है कि बहुतै लोग ई नाई समझि पावत हैं कि जे आतिमिक अगुआ होत हैं वै काहे नाई दोस्त औ नै साथी बनि पावत है। कब्भौ-कब्भौ कुछ जने अपने आतिमिक लोगवन कैइहन अतरा नीक नाई जानि पावत है औ न ही लम्बा समौ तक उईका वैहि ठवरि पैइहन देखि पावत जेपर कि उनका होयैँक चाही। ईऽ मनई कै सुभाव हुवै कि ऊऽ इच्छानुसार इस्तेमाल करै के बस्तुअन कै कीमत घटाय दियत हैं।

मरकुस के छठा पाठ मैइहन जब यीशू मसीह अपने नासरत शहर मैइहन गवा वैहि यहूदियन लोगवन केरे आराधनालयन मैइहन धार्मिक उपदेश दियै खातिर गवा तौ कैइयौ दाँई लोगवै ओह पर आपन रिस जताईन वै सभै ओका मरियम कै पुतवा कैहिकै पहिचान कराइन, वै ओके भाई औ बहिनियक जानत रहै औ ओहमा ओकरे समानता के कारण निरादर ओके प्रति पैइदा होय



गवा। नतीजा ई भवा कि जौवन ओकै सामरथ उनका मदद करै खातिर रहै ऊऽ कम होय गय, येहि कारन ऊई बहुतै कम लोगवन कैइहन नीक कै पाइसा।

कब्भौ-कब्भौ एक पुरोहित अपने कलीसिया केरे मनई खातिर मिन्ती करत जात रहै मुला कौवनौ ऐइसन नीक घटना ओकरे जिन्दगी मैइहन नाई घट पावति। मुला अगर कौवनौ धार्मिक गुरु वैहि गिरजाघर मैइहन आवत है औ वही मनई खातिर मिनती करत है तौ ऊ मनइवा तुरतै नीक होय जात है।

अस काहे है? काऽ एक धरम प्रचारक जादा अभिषिक्त औ सामरथी पुरोहित सा है,

नाही, कारन ई है कि एक बेराम मनई वैहि धरम प्रचारक कैइहन भिन्न मेयर से देखत है औ वैहि मेरे से अपने पुरोहित कैइहन नाई देखत है। ऊऽ अपने पुरोहित कैइहन हर हफ्ता देखत है औ येहि मारे ऊऽ एक पुरान पुरोहित बनि जात है। “सभै ओहसे परेम करत हैं औ ओका समझतौ हैं ऊऽ एक महान प्रसन्नचित जन हुवै। मुल वै वैइसनै विशवास ओह पर नाई करत जतरा कि जेका वै नाई जानत ओहपर करत हैं। शाइद यहू कारन से कि वै सभै ओका पहिले कब्भौ एक ब्यक्तिगत रूप मा देखिन होय औ थोरै किरोधी मनई ताँई। येहि मारे अचानक से ऊ येहि बाते कैइहन नाई गहन कैई पावत कि ऊ एक सदीमै नियमित मनई हुवै जैइसन वै सभै हैं।”

मुल वै सभै ई नाई देखि पावत कि वहै सबचिजियन ऊऽ मनइवौ करत है, चर्च आवै सै पहिलेन।

समानता आदर कैइहन कम करति है

काऽ वहै बढई नाई जौवन मरियम कै पुतवा औ याकूब औ युसुफ योसेस औ यहूदा औ शमौन कै भाई हुवै? औ काऽ

येकर बहनियाँ हिंया हमरे बिच्चेम नाई रहति हैं? येहि मारे
बैसभै ओकरे बारे मैइहन ठोकर खाइन।

मरकुस 6:3 पद

कैइयौ बेर जब केऊ बचि जात है औ जब अपने जिन्दगी पैइहन परमेशुर
कै आवाज कैइहन सुनत है तब ओके परिवार कै सदस्य औ रिस्तेदार वैहि
पुकार कैइहन नाई गरहन कै पावत। काऽ तू जानत हौ कि अस काहेक होत
है कारन ई है कि ऊ ओहसे बहुत जादा परिचित है कि ऊ आदर जौवन
ओका हुवैक चाही वै नाई पावत।

जैइसन कि हम वैहि लेखाँश मैइहन देखेन कि ऊऽ केहुक साथेऊ होय
सकत है, बाइबिल बतावति है कि ओकर आपन भैइवै ओह पर विश्वास
नाई करत रहैं। – यूहन्ना 7:5 पद

हमरे लगे अबहीं कुछ ऐइसन नातेदार हैं जौवन हमरे परचार कैइहन
नाई मानत जस कि दोसरके करत हैं। कैइयौ दाँई लोगवै हमका बताईन
कि “तू जरुरै एक गरम औ जोशीलिन हौ मुल हम तुहें अच्छै से जानित है
जब तू...”

कैइयौ दाँई कुछ जने हमरे बीता समौ कैइहन नाई भुलाय पावत। मुल
बाइबिल बतावति है कि जब केऊ यीशू मसीह मैइहन है, ऊऽ एक नवा
सिरिस्टी है पुरन की बतिया बीत गय औ देखौ सब नवा होय गया।
– 2 कुरिन्थियन 5:17 पद

हम बहुत जादा प्रभू यीशू केरे नाव से परिचित हुवैक नाई चाहित औ
येहि कारन बिना बिचारे पहर-वहर छोड़ि देईत ई जाने बिना कि ओहसे कहूँ
जादा ओकरे नाव कैइहन बोलै मैइहन है। हमका तोरे बारे मा तौ नाई मालूम

मुल जब हम वैहि नाव कैइहन बोलित है, “कि यीशू” हम सच्चै मा वैहि अभिषेक कैइहन महिसूस करित है। अपने उप्पर जब हम अपने सभन मैइहन बोलती हूँ तौ लोगवै बचि जात हैं। चंगाई पावत है, औ पवित्तर आतिमा से भरि जात हैं।

येहि मेरे कै परिनाम हर केऊ केरे सभन मा नाई होय पावत। येहि मारे हमरे दिल कै गहिराई से ई इच्छा है कि हर एक विश्वासी वैहि तेजस्वी नाव केरे प्रति आदर औ सम्मान कैइहन राखौ। जब हम ऐइसन करित है तब हम अपने आप कैइहन राखौ। जब हम ऐइसन करित है तब हम अपने आप कैइहन वैहि सामरथी नाव केरे योग्य पाइत है – ऊई सामरथ अपने परिस्थितियन से निकरै कै, अद्भुत ताकत से दोसरे कैइहन प्रचार करै कै।

6

नाव औ सम्बन्ध



औ मनई केरे रूप मैइहन परघट होइकै अपने आप कैइहन दीन किहिस, औ हिंया तक आज्ञाकारी रहा, कि मौति हाँ क्रूस कै मौउतिऊ सहि लिहिस। येहि कारन परमेशुर ओका बहुतौ महानौ किहिन। औ ओका ऊई नाव दिहिन जौवन सब नावन मा श्रेष्ठ है। कि जे सरग मैइहन औ धरती पैइहन औ जे धरतिऊ के नीचे है वे सभै यीशू केरे नाव पैइहन घुटना टेकै। औ परमेशुर पिता कै महिमा खातिर हर एक जिभिया अंगीकार के लियै कि यीशुवै मसीह प्रभू हुवै।

फिलिपियन 2:8-11

कैइसन यीशू मसीह येहि नाव कैइहन पाईन, जेकरे बारे मा हम बतुपाति रहेन औ जेकर बरनक सामरथी रूप से येहि भागि मैइहन कीन्ह गवा है। ऊ नाव जौवन की प्रकाशित है वैहि परभू केरे नाव केरे साथ शब्द उद्धार करता (यूहन्ना 1:1) परमेशुर कै मेमना (यूहन्ना 1:29) जिन्दगी कै रोटी (यूहन्ना 6:35) प्रभु वन कै प्रभू औ राजन कै राजा? (प्रकाशितवाक्य 17:14 पद)

ओका ई येहि मारे प्रापत भवा कि ऊऽ आखिरी समौ तब आज्ञाकारी रहा। हम पहिलवौ आज्ञाकारिता के बारे मा बतिया कै चुकेन है मुल हियाँ



एक औउरिऊ विचारौ है वैहि नाव केरे साथे, जौवन हम तुँहै अब महिसूस करावैक चाहित हन्।

आज्ञाकारिता औ सम्बन्ध

जैइसनै मसीह यीशू कै सुभाव रहै वैइसने तोहरौ सुभाव होय। जौवन परमेशुर केरे सरूप मा होतेऊ पैइहन परमेशुर केरे समान होय कैइहन अपने बस मा राखै कै बस्तू नाई समझिस। बलुक अपने आप कैइहन ऐइसन शून्य कै दिहिस औ दास कै सरूप धारण किहिस औ मनई केरै समानता मा होय गवा।

फिलिपियन 2:5-7

येहि भाग मैइहन यीशू मसीह से पहिले प्रेरितन कै आज्ञाकारिता कै बरनक कीन्ह गवा है। फिलिप्पियों 2:8-11 मैइहन येहि पाठे केरे शुरु मैइहन ऊ अपने बाप केरे आधीन रहिकै अऔ ओकरे ताँई चला।

अगर यीशू मसीह कै नाव हमरे जिन्दगी मैइहन एक सामरथ पूरन परिनाम लाय सकत है, तौ हम सबसे पहिले ओहसे नाता जोडै, जैसन कि सरग मैइहन ओहकै ओकरे बाप केरे साथ रहै। केह केरे साथे सम्बन्ध जौरे के खातिर ओकरे साथे समौ बितावै कै जरूरत है। परभू से जादा सम्बन्ध स्थापित करै खातिर हमका रोजै समौ बितावैक औ संघति राखैक परी। मामूली तौर पैइहन ई जानौ कि वहसे बतुवायैक परी रोजै। हर रोज ओकरे बचन कैइहन पढौ औ अपने जिन्दगी मैइहन ओकर दखल होय दियौ। बेगैर कौवनौ समर्पन के तुहार एक साँचै सम्बन्ध ओहसे जुड़ि न पाई। वैइसनै समर्पन जस एक वियाह केरे समौ कीन्ह जात है। ओकरे नाव कैइहन इस्तेमाल करै खातिर जरूरी है “शादी”।

**जेकर दुलहिन है वहै दुलहा हुवै,
मुल दुलहा कै मित्तर जौवन ठाढ़ है**

ओकै सुनत है दुलहा केरे शबद से बहुत हर्षित होत है, अब
हमार ई हर्ष पूरा भवा।

यूहन्ना 3:29

बाइबिल मैइहन, परभू यीशू मसीह अपने आप कैइहन एक दुलहे केरे रूप मैइहन औ गिरजा घर कैइहन एक दुलहीन केरे रूप मैइहन दर्शावा गवा है। अगर बियाह हुवैक है तौ दुलहा औ दुलहिन कै होऊब जरूरी है। एक बियाह अन्तिम समौ तक खातिर एक दुलहा औ दुलहिन केरे बिच्चेम बनत है।

जब हमार औ देव केरे साथे बियाह भवा, हम ओकर नाव पाय लिहेन, औ श्रीमती देव मेयर बनि गई। औ अब हमरे लगे सब ऊऽ अधिकार है जौवन देव मेयर कै नाव दर्शावत है।

हमरे बियाह केरे पहिले हमरे लगे कुछुऔ नाई रहै। हमरे लगे एक नवा कार होय गय वहिन छिन जब हम मरद मिहारू बनि गयेन औ ऊऽ कार हमार होय गय।

हमरे बियाहे केरे पहिले हमरे उप्पर भारी कर जा रहै मुल जौवने छिन हमार बियाह होय गवा, सगरिऊ करजवा देव कै होय गवा। हर एक चिजिया जौवन आपन निजी रहै अब एक दोसरे के होय गय, काहे से कि हम एक दोसरे केरे साथे बियाहे केरे बन्धना मैइहन बाँधि दीन्ह गयेन। ऐइसन तब नाई रहै जब हम एक दोसरे केरे साथे औ ऊऽ कौवनौ चिजिया जौवन नाव दर्शावत रहै जब तक हमार बियाह नाई होय गवा। यही ताँई यीशू केरे साथेऊ



हुवैक है हमका ओकर नाव नाई मिलत है औ न ओकर सामरथ जौवन ओहमा है जब तक कि हमार बियाह ओकरे साथ नाई होय जात है।

समिसिया ई है कि जादाताँई मसीही लोग खाली मिलब जुलब पसन्द करत हैं। वैई आपन जिन्दगी अपनेन ताँई से जियैक चाहत हैं सुतन्वता से वै आपन सब कुछ नाई दियैक चाहत है, वै अपने जिन्दगी कै कुछ हिस्सन कैइहन अपने मैइहन पकरे रहैक चाहत हैं। वैई पूरै तरह से समर्पित हुवैक नाई चाहत हैं जबकि वै कौवनौ समिसिया औ नै कहट मैइहन परत हैं तब

“हे यीशू हम परेशानी मैइहन हन हम तूसे मिलैक चाहित है। औ यीशू हमका कुछ पैइसनौ कै जरूरत है, हम तूसे मिलैक चाहित है औ। यीशू हम बेराम हन हम तूसे मिलैक चाहित है, वै येही कारन वैहि नाव कैइहन गोहरावत है औ नै उनका पैसा मिलि जाय औ नै छुटकारा मिलि जाय मुल वै पूरै ताँई से औ पूरै समौ खातिर ओकर नाई बनैक चाहत यीशू वैहि बाते मैइहन रूचि नाई राखत कि ओसे हमार मेलमिलाप क्षणिक भरि कै होय मुल ऊई हमसे सदीमै कै नाता चाहत है ऊ हमरे ऊंगरी मैइहन रिश्ता कै छल्ला कैइहन पहिराय कै हमसे बियाह करैक चाहत है कि ओका हम मुरदे केरे रूप मैइहन अपनाई। हमार एकलौता प्रभू औ मालिक केरे रूप मैइहना” – यशायाह 54:5 पद देखौ

समिसिया ई है कि कैइयौ दाँई हम लोग येहि मेयर कै वाचा नाई बाँधा चाहित। हम ओकरे नाव कैइहन प्रयोग करा चाहित है मुला हमका ई अनुभव करैक है कि हम ओके नाव कैइहन तब तक प्रयोग न करै जब तक ओके साथे हमार वियाह औ नै एक गहिरा बन्धन न जुरि जाये। हमका अपने साथे अपने मरद कै नाव कै प्रयोग करै कै अनुमति नाई रहै जब तक कि हमार बियाह ओके साथे नाई होय गवा। जब तक हम सभै खाली मिलत



जुलत रहै हम ओके नाव कै न तौ दसखत कै सकित रहै औ न ही ओकरे खाता से पैसा निकारि सकित रहै। मुल जौवने पल हमार बियाह भवा हम ओके खाता से पैसा प्रापत करै लागेन काहे से कि जौवन कुछ ओकर रहै ऊ हमार रहै औ जौवन हमार रहै ऊ ओकर।

प्रभू यीशू मसीह बहुतै समौ पहिलेन हमका बताइन (आवाज केरे जरिए नाई मुल हमरे हिरदौं मैइहन, अगर तू हमका आपन हर बस्तू दै देहौ जौवन तोरे लगे है तौ हम तुहें हर ऊई बस्तू दियब जौवन हमरे लगे है। मुल तुहें हमार बनैक जरूरत है।

दोसरे शब्दन मैइहन ऊ चाहत है कि हम आपन पूरै धियान ओकरी ओरिया कै लेई पूरै तरह से ओके पाछे होय लियै आपन हर ऊई बस्तू ओका दै दियौ।

काहे?

ओकरे साथे सम्बन्ध होय से सामरथ आवत है, पूरै ताँई से ओकर बनै पैइहन।

सम्बन्ध राखब सामरथ लावत है

मूल जातरौ जने ओहका गरहन किहिन ऊई ऊइका, परमेशुर कै सन्तान हुवै कै अधिकार दिहिन, यानी उनका जे ओकरे नाव पैइहन विश्वास राखत हैं।

यूहन्ना 1:12 पद

हमरे जिन्दगी मैइहन एक क्षमता है औ ऊ हर समौ बाढ़त है कि हम परमेशुर कै होई हमार अभिप्राय कारु आय हम आपन नाई हन हम जौवन चाही औ नै जैइसन चाही औ नै जैइसन खरच करैक चाही औ नै जैइसन

चाही केऊ केरे साथे विउहार कै लेई जैइसन चाही हम अपने जिन्दगी कैइहन बिताई येहि सब कै अनुमति जब परमेशुर चाहत है तब हम करित है।

हम ओसे हर एक नान्ह-नान्ह वस्तुवन खातिर ओकर मरजी जानै खातिर ओके लगे नाई जाइत है मुल यहसे पहले कि हम कुछ करी हमका विशवास है, हमार सहायक पबित्तर आतिमा हमार अगुवाई करति है। अपने जिन्दगी कै हर दिन कै दिनचर्या मैइहन औ वैहि सब भारी स्थितियौ मैइहन जौवन कब्भौ कब्भौ आय जात है। मुल जैइसनै हमका परमेशुर से ई संकेत मिलत है कि हम जौवन कुछुऔ करै जाईत है ऊ गलत है, हम तुरत अपने आप कैइहन रोक लेइत हम ऐइसन काहेक करित है? काहे से कि हमका आदर पूरन डेर होत है कि हम परमेशुर केरे हाजिरी कैइहन खोय न देई। हाँ हम डेराईत है औरिऊ डेराइत है, सही मायना से।

हम परमेशुर से नाई डेराईत मुल येहि बाते से डेराईत है कि हमका हजारन लोगन केरे सामुने वैहि बचन कैइहन औ औ प्रभू केयरे सामरथ कैइहन लावैक है जौवन कि हमार प्रतिक्षा करत हैं। औ हमरे लग से वैहि परमेशुर कै मौजूदगी औ औ अभिषेक हमरे जिन्दगी से खोय न जाय। ई डेर दियै वाला हुवै। औ ऐइसनै हुवैक चाही। ई हमका प्रार्थना करै औ आज्ञाकारिता मैइहन दृढ़ बनावत है। ई हमका टी.वी. बन्द कराय दियत है जब हम प्रभू केरे नाव कैइहन बेकार मैइहन लियत देखित है औ सुनित है।

हम प्रभू से एक वाचा बाँधित है हम ओहिक होई औ परिनाम सरूप हम अनुभव किहेन ओकरे सामरथ कैइहन समौ-समौ पैइहन जब हम ओकरे नाव से मिनती किहेन ई चौंकावै वाली बात हुवै कि बहुतन मसीही प्रभू से वाचा कैइहन नाई बाँधत औ ना ही ओकरे सामरथ कैइहन कैइहन अपने जिन्दगानी मैइहन अनुभव करत। बैनाई समझि पावत कि सम्बन्ध राखै सै



सामरथ आवति है। हम एक कारन देईत है कि काहेक वै वाचा नाई बाँधैक चाहत है ऊऽ ईऽ है कि शब्द “वाचा” उनका कहर दायक बनाय दियत है। वैई समझत हैं कि उनका कुछ दियैक परी। सच मैइहन वै सब कुछ पाय जैइहैं। – मत्ती 19:29 पद

ई न सोचौ कि प्रभू चाहत है कि तू अटल रहौ जब तू ओकर होय जात हौ तब तू ओहमा विश्वास कै सकत हौ औ आपन मदद कै सकत हौ, ओहसे वाचा बाँधै कैइहन बस ऐइसन करौ जौवन तू कैय सकत हौ प्रभू से वाचा बाँधैक खाली पेहि दुई ढर्रा मैइहन सहमती है। अगर हम साँचै वायदा ओह पर करित है औ वहाँ ई वायदा किहिस कि ऊई हर समौ तोरे साथे है। – मत्ती 28:20 पद

ऊऽ कसस हमरे साथे है? येहका कब्धौ न भूलौ कि ओकर नाव हमरे साथे है, हर पल मैइहन एकान्त समौ मैइहन हम बोलित है औ ऊ हुँऔ हाजिर होत है औ जब हमका सहारा कै जरूरत होत है तौ ऊ हमार रक्षा करत है। औ वैहि सगरिऊ योजनन कैइहन जौवन ऊऽ हमरे जिन्दगानी खातिर बनाईस है पूरा करै कै अधिकार दियत है। वैहि महिमामय प्रभू यीशू मसीह केरे नाव मैइहन सामरथ है। ऊ इच्छा करत है कि वैहि सामरथ कैइहन इस्तेमाल करै मा हमार सहायता करै औ चंगाई दियत है सुभाविक औ निरलज्जता मैइहन हमका आशीष दियत है।

हम प्रार्थना करित है कि येही छिन से तू प्रतिज्ञा लियौ कि तू हर दिन ओहसे एक वाचा बाँधौ औ भविष्य मैइहन प्रभू यीशू कै सामरथ मैइहन चलौ। **नावन मैइहन सबसे ऊँचा नाव,**



निचोड़



औं ऊइका बिच्चेम ठढियायै कै पूछै लाग, कि तू ई कमवा केकरे सामरथ से औं कौवने नाव से किहौ है? तब पतरस पबित्तर आतिमा मा भरिकै ओहसे कहिन। कि तौ तू सभै औं सगरिऊ इस्त्रायलीवौ जानि लियौ कि यीशू मसीह नासरी केरे नाव से जेहका तू क्रस पैइहन चढ़ायौ, औं परमेशुर मरे हुअन मैइसे जियाइन, ई मनई तोरे सामुने भला चंगा ठाढ़ है।

प्रेरित. 4:7, 8, 10

थोरै प्रभू यीशू मसीह केरे सामरथ खातिर नाई कहा जाय सकत है, ओकर नाव सबसे सामरथी है औं बस्तुवन से धरती औं आकाशौ से औं हम विश्वासी हुवै केरे कारन हमका ई अधिकार दीन्ह गवा है, कि हम ओकरे नाव कैइहन हर स्थितियन मैइहन इस्तेमाल कैय सकित है। हम नाई सोचित है कि येहमा कुछुऔं दुख कै बात है, परमेशुर कै पूत मिनतिऊ करत है औं मसीहिऊ करत है आउर कौवनौ सामरथ न होय जिन्दगानी मैइहन अच्छा परिनाम खातिर।

प्रभू यीशू मसीह धरती पैइहन येहि मारे नाई आवा कि ऊऽ क्रूस पैइहन मरि जाय औं तिसरे दिन जिऊ ऊठै ताकि हम कमजोर परि जाँय औं घरे चले जाँय।



मुल ऊऽ येहि सबसे येहि मारे गुजरा कि उत्तराधिकारी ठहिरावा जाय। अधिकार हमरे जिन्दगी पैइहन औ सामरथ वैहि सब परिस्थितियन पैइहन राज्य करै कै ओकरे नाव केरे काँई।

येहि किताबन मैइहन हमरे लगे एक कुन्जी है जौवन तूसे बाँटि सकी वैहि सामरथ केरे बारे मा जौवन प्रभू यीशू मसीह हमका देखाइन है।

तू वैहि सामरथ कैइहन पाय सकत हौ प्रभू यीशू मसीह पैइहन विश्वास लाय कै ओकरे नाव कै आदर औ सम्मान केरे साथे औ ओकरे साथे सम्बन्ध राखै केयरे काँई।

हमका विश्वास है कि जैइसनै तू येहि चिजियन कैइहन अपने जिन्दगी पैइहन लागू करै लगिहौ तौ नीक बतिया होऊब शुरु होय जाई।

तोरे खातिर सामरथ उपलब्ध है तूसे मिलै खातिर औ हर जरूरत कैइहन पूरा करै खातिर।

जैइसनै तू वैहि नाव कैइहन इस्तेमाल करै केरे अधिकार कैइहन समझि कै रोजमर्रा केरे जिन्दगी मैइहन लागू करत हौ, वैहि जरूरतन खातिर तू ओहमा बदलाव देखिहौ वैहि सामर्थी प्रभू यीशू मसीह केरे नाव केरे काँई। नावन मैइहन सबसे ऊँचा नाव।



प्रभू यीशू केरे साथे ब्यक्तिगत रिश्ता पावै खातिर प्रार्थना।

अगर तू कब्भौ प्रभू यीशू मसीह कैइहन आपन ब्यक्तिगत उद्धार करता नाई मानेऊ है, तौ अबही तू मानै खातिर, हम तूसे विनती करित है। निम्नलिखित रूप मैइहन प्रार्थना करौ, अगर तू साँचै हिरदौ से करिहौ तौ तोरे जीवन मैइहन एक नाव जिन्दगी कै ऐहसास होई।

पिता जी,

तू संसार से अतिक परेम राखेऊ कि तू आपन एकलौता पूत दै दिहौ। हमरे पापन खातिर जिव दियै खातिर ताकि जे केऊ ओह पर विश्वास करै ऊई नाशि न हुवै मुल अनन्त जिन्दगी पावै।

तुहार वचनिया कहत है कि हम अनुग्रह केरे काँई विश्वास केरे कारन बचावा गयेन है जौवन कि एक भेंट हुवै। उद्धार पावै खातिर हमरे लगे कौवनौ ढर्रा नाई है।

हम विश्वास करित है औ अपने मुँह से मानित है कि यीशू मसीह तुहरे पूत हुवै औ येहि संसार कै उद्धार करता हुवै। हम विश्वास करित है कि तू यीशू मसीह कैइहन मौति मैइसे जिन्दा किहौ औ उठायौ।



हम तूसे आपन पाप क्षमा करै खातिर निवेदन करित है, हम यीशू कैइहन आपन प्रभू मानित है। तोरे बचन केरे काँई हम बचावा गयेन है। औ सदी मै खातिर तोरे साथे रहब।

धन्यबाद पिता जी हम तुहार आभारी हन।

मसीह यीशू केरे नाव मैहन माँगित है। - आमीन

औउरिऊ जानकारी करै खातिर कृपया पढ़ौ -

यूहन्ना 3:16; इफिसियौ 2:8,9; रोमियो 10:9, 10; 1 कुरिन्थियो 15:3, 4; 1 यूहन्ना 1:9, 4:14-16, 5:1,12,13



लिखै वाली कै परिचय

जॉयस मेयर साल 1976 से पवित्र शास्त्र कै शिक्षण कै काम करति हैं। वै 1980 से पूरी तरह से सेवकाई मैइहन हैं। वै 54 से जादा मन पसन्द कितबिया लिखिन है, जेहमा से “सीक्रेट्स टू एक्सेप्शनल लिविंग” “द जाँय आफ बिलीबिंग प्रेयर” औ “बैटल फील्ड आफ द माइन्ड”, वगैरा सबसे जादा बिकाय वाली कितबियौ शामिल है। साथै 220 से जादा आडियो कैसेट्स एलबम औ 90 से जादा बीडियो जारी कीन्ह जाय चुका है। ओकरे “लाइफ इन द वर्ड” केरे नाव से रेडियो औ टेलीविजन कार्यक्रम कै परसारण सगरिऊ दुनिया मैइहन कीन्ह जात है। वैई अपने लोकप्रिय “लाइफ इन द वर्ड” सभन खातिर अपने संदेशन केरे साथे दुनिया कै अनेकन देशन मैइहन प्रवास करति हैं। जॉयस औ उनकै मरद डेव कै चार बच्चे हैं, औ वे सब सेंट लुईस मिसौरी मैइहन निवास करत हैं।





काऽ तू सामरथ कै अनुभव करत हौ?

लोगवै नाव मैइहन नीक होत हैं, नाव मैइहन उद्धार पावत है। पवित्तर आतिमा केयरे नाव मैइहन बपतिस्मा लेत हैं। यीशू केयरे नाव मैइहन सामरथ है।

तौ फिरि काहेक अनेकन मसीही बिगैर सामरथ कै जिन्दगी बितावति है? “ईऽ येहि मारे नाई कि ओकर महिमामय नाव सामरथी नाई है।” सबसे जादा बिकाय वाली कितबियन कैइहन लिखै वाली जॉयस मेयर कहति हैं कि “ईऽ येहि मारे है कि हमरे मैइहन यीशू केयरे नाव मैइहन विश्वास कै कमी है।”

जॉयस तुहका सिंहासन कक्ष मैइहन लैय जाय कै ओकरे दहिने हाथ पैइहन महिमा औ अद्भुत नाव कैइहन खोजै मा मदद करति हैं। ईऽ सीखै कि विश्वास कौवन मेयर एक ताकत हुवै औ एक मसीही होय केरे नाते तोहरे भित्तर वास करै वाली पवित्तर आतिमा कै सामरथ मिन्ती केयरे काँई कौवन मेयर काम कै सकति है।

यीशू कहिन है कि “...सरग औ धरती पैइहन सब अधिकार हमका दीन्ह गवा है, “औ” अगर तू हमरे नाव मैइहन जौवन कुछ मंगिहौ ऊऽ हम तुहका दियब” (मत्ती 28:18, यूहन्ना 14:14)। अगर हम ओकर मरजी केयरे ताँई कुछ माँगित है, तौ यीशू आपन नाव हमका उपयोग करै खातिर दिहिन हैं।

जिन्दगी बदलि दिवै वाला! सब कुछ कै दिवै वाले से तू यहसे कम अपेक्षा नाई कै सकत हौ। आज तोहरे जिन्दगी केयरे काँई परमेशुर कै सामरथ कौवन मेयर काम कैय सकति है, यकरे बारे मैइहन सोंचौ औ यीशू केयरे काँई अनेकन महान बतियन कैइहन पूरा करै मा—नाव जौवन सब नाव से ऊँचा है।



JOYCE MEYER
MINISTRIES

Nanakramguda, Hyderabad - 500 008